


宋史

紀廿四之八




		九	漢
	四	〇	書
	六	六	門
一	二	四	
二	六	九	
冊	架	函	號

庫 文 閣 内			
		九	漢
	六	〇	書
	一	六	
一	二	九	
冊	架	函	號

内 閣 文 庫		
番 號	漢	5065
冊 數	122 (6)	
函 號	281	25

廿四之八

六



綴じ部(喉部分)の文字など開きが不鮮明な箇所あり

本紀卷第二十四

宋史二十四

明府三司主國錄平國事而中書右丞相監修國史領經筵事都總裁臣脫脫等奉

勅修

高宗一

淺草文庫

高宗受命中興全功至德聖神武文昭仁憲孝皇帝
諱構字德基徽宗第九子母曰顯仁皇后帝氏大觀
元年五月乙巳生東京之大內赤光照室八月丁丑
賜名授定武軍節度使檢校太尉封蜀國公二年正
月庚申封廣平郡王宣和三年十二月壬子進封康
王資性朗悟博學彊記讀書日誦千餘言挽弓至一

石五斗宣和四年始冠出就外第靖康元年春正月
金人犯京師軍于城西北遣使入城邀親王宰臣議
和軍中朝廷方遣同知樞密院事李稅等便金議割
太原中山河間三鎮遣宰臣換地親王送大軍過河
欽宗召帝諭指帝慷慨請行遂命少宰張邦昌為計
議使與帝俱金帥幹離不留之軍中旬日帝意氣間
暇二月會京畿宣撫司都統制妣平仲夜襲金人砦
不克金人見責邦昌恐懼涕泣帝不為動幹離不異
之更請肅王癸卯肅王至軍中許割三鎮地遣邦昌
為太宰留質軍中帝始得還金兵退復遣給事中土

雲使金以租賦贖三鎮地又以蠟書結遼降將耶律
余覲為金人所得八月金帥黏罕復引兵深入陷太
原幹離不破真定冬十月王雲從吏自金先還言金
人須帝再至乃議和雲歸言金人堅欲得地不然進
兵取汴都十一月詔帝使河北奉袞冕王輅尊金主
為伯上尊號十八字被命即發京師以門下侍郎耿
南仲主和議請與俱乃以其子中書舍人延禧為參
議官偕行帝由滑澹至磁州守臣宗澤請曰肅王去
不返金兵已迫復去何益請留磁磁人以雲將挾帝
入金遂殺雲時黏罕幹離不已率兵渡河相繼圍京

師從者以磁不可留知相州汪伯彥亦以蠟書請帝
還相州閏月耿南仲馳至相見帝致辭以面受欽宗
之旨盡起河北兵入衛帝乃同南仲募兵勤王初朝
廷聞金兵渡河欲拜帝為元帥至是殿中侍御史胡
唐老復申元帥之議尚書右僕射何臬擬詔書以進
欽宗遣閣門祗候秦仔持蠟詔至相拜帝為河北兵
馬大元帥知中山府陳亨伯為元帥汪伯彥宗澤為
副元帥仔於頂髮中出詔帝讀之嗚咽兵民感動十
二月壬戌朔帝開大元帥府有兵萬人分為五軍命
武顯大夫陳淬都統制軍馬閣門祗候侯章齎蠟書

至自京師詔帝盡發河北兵命守臣自將帝乃下令
諸郡守與諸將議引兵渡河乙亥帝率兵離相州丙
子履水渡河丁丑次大名府宗澤以二千人先諸軍
至知信德府梁揚祖以三千人繼至張俊苗傅楊沂
中田師中皆在麾下兵威稍振會齎書樞密院事曹
輔齎蠟詔至云金人登城不下方議和好可屯兵近
甸毋輕動汪伯彥等皆信和議惟宗澤請直趨澶淵
為壁次第解京城之圍伯彥南仲請移軍東平帝遂
遣澤以萬人進屯澶淵揚言帝在軍中自是澤不復
預府中謀議帝決意趨東平庚寅帝發大名

建炎元年春正月癸巳帝至東平初帝軍在相州京城圍久中外莫知帝處及是陳請四集取決帥府壬寅高陽關路安撫使黃潛善總管楊惟忠亦部兵數千至東平命潛善進屯與仁留惟忠為元帥都統制金人聞帝在澶淵遣甲士及中書舍人張激來召宗澤命壯士射之激乃遁伯彥等請帝如濟州二月庚辰發東平癸未次濟州時帥府官軍及群盜來歸者號百萬人分屯濟濮諸州府而諸路勤王兵不得進二帝已在金人軍中三月丁酉金人立張邦昌為帝稱大楚黃潛善以告帝慟哭僚屬欲奉帝時在百州

謀渡江左帝聞二軍籍籍遂慨承制以宗澤為徽猷閣待制丁巳降旗不返帥徽宗北遷戊午承制以汪伯彥為顯謨閣待制元帥潛善為徽猷閣待制充副元帥夏四月黏罕退師欽宗北遷癸亥邦昌尊元祐皇后為宋太后遣人至濟州訪帝又遣吏部尚書謝克家來迎耿南仲率幕僚勸進帝避席流涕遜辭不受伯彥等引天命人心為請且謂靖康紀元為十一月立康之兆帝曰當更思之以知惟寧府趙子崧為寶文閣學士元帥府參議官東南道總管統東南勤王兵邦昌遣閣門宣贊舍人蔣師愈等持書詣帝

自言從權濟事及將歸寶琳位之意帝亦貽諸帥書以未得至京已至者毋輒入聞資政殿大學士領開封府事李綱在湖北遣劉默持書訪之又諭宗澤等以受僞命之人義當誅討然慮事出權宜未可輕動澤復書謂邦昌篡亂踪跡已無可疑宜早正天位興後杜稷不可不斷門下侍郎呂好問亦以蠟書來言帝不自立恐有不當立而立者丁卯謝克家以大宋受命之寶至濟州帝慟哭跪受命克家還京師趣辦議物戊辰濟州又老詣軍門言州四旁望見城中火光為天請帝即位于濟會宗澤來言南京乃藝祖興

王之地取四方中漕運尤易遂決意趨應天是夕邦昌手書上征福宮太后尊號曰元祐皇后入居禁中以尚書左丞馮解為奉迎使皇后又遣兄下衛尉少卿孟忠厚持手書遺帝皇后書廉聽政邦昌權尚書左僕射率在京百官上表勸進不許甲戌皇后手書告中外俾帝嗣統乙亥百官再上表又不許丁丑馮解等至濟州百官三上表許以權聽國事戊寅命宗澤先勸兵分駐長垣韋城等縣以備非常東道副總管朱勝非至濟州宣撫司統制官韓世忠以兵來會庚辰帝發濟州郡迎副總管劉光世自陝州來會以

光世為五軍都提舉辛巳次軍州壬午次虞城縣西
道都統管王襄自襄陽來會祭未至應天府皇右詔
有司備法駕儀仗乙酉張邦昌至伏地慟哭請死帝
慰撫之承制以汪伯彥為顯謨閣直學士黃潛善為
徽猷閣直學士權吏部尚書王時雍等奉乘輿服御
至群臣勸進者益衆命有司築壇府門之左五月庚
寅朔帝登壇受命禮畢慟哭進謝二帝即位于府治
改元建炎大赦帝赦所不赦者張邦昌父
應于供奉金國之人一切不問命西京留守司修奉
祖宗陵寢罷天下禱齋宮住齋青苗錢應節及破

下王事者並推恩奉使未還者祿其家一年應選人
並循資已係承直郎者改次等京官臣僚因亂去官
者限一月還任潰兵群盜咸許自新免係官欠負蠲
南京及元帥府常駐軍一月以上州縣夏稅應天府
特奏名舉人並與同進士出身免解人與免省諸路
特奏名三舉以上及宗室嘗預貢者並推恩應募兵
勤王人以兵付州縣主兵官聽赴行在中外臣庶許
言民間疾苦雖訖許亦不加罪命官犯罪更不取特
旨裁斷蔡京童貫朱勔李彥孟昌齡梁師成譚稹及
其子孫更不收叙內外大臣限十日各舉布衣有材

畧者一人餘如故事以黃潛善為中書侍郎汪伯彥
同知樞密院事元祐皇后在東京是日徹簾辛卯遙
尊乾龍皇帝為孝慈淵聖皇帝元祐皇后為元祐太
后詔史官辨宣仁聖烈皇后誣謗築景靈宮于江寧
府壬辰以張邦昌為太保奉國軍節度使同安郡王
五日一赴都堂參決大事以河東北宣撫使范訥為
京城留守癸巳遙尊帝母章賢妃為宣和皇后遙立
嘉國夫人邢氏為皇后耿南仲罷甲午以李綱為尚
書右僕射兼中書侍郎趣赴行在楊惟忠為建武軍
節度使主管殿前司公事罷諸盜及民兵之為統制

者簡其止馬隸乙未以生辰為天申節馮澥罷
以兵部尚書呂好問為尚書右丞命申軍統制馬忠
後軍統制張瑛率兵萬人趣河間府追襲金人丙寅
以呂好問兼門下侍郎丁酉以黃潛善兼御營使汪
伯彥副之真定府路副總管王淵為都統制鄧英路
副總管劉光世提舉一行事務王時雍黃州安豐軍
統制官薛燾張瑄率兵六千人會河北山水砦義兵
共復磁相戍以資政殿學士路允迪為京城撫諭
使龍圖閣學士歐陽棐副之贈吏部侍郎李綱
文殿學士蓋忠愍已亥召太學生陳京赴行在李綱

四百八十八
至江寧誅叛卒周德等庚子詔以靖康大臣三和謀
國責李邦彥為建寧軍節度副使潭州安置從吳敏
柳州蔡懋英州李琬宇文虛中鄭望之李邦彥以使
金請割地責廣南諸州並安置辛丑詔張邦昌知幾
連變勳在杜稷如文彥博列月兩赴都堂三寅封後
宮潘氏為賢妃以江淮發運使梁揚祖提領東南茶
鹽事癸卯天由節龍百官上壽乙巳賜諸路勤王兵
還營者錢人三千丙午以誣謗宣仁空烈皇乙丑建其
蔡確蔡卞邢恕蔡懋官以保靜軍節度使姚古知河
南府金人陷河中府權府事祜仲連死乙丁未徽宗

至燕山府庚戌以宗澤為龍圖閣學士知襄陽府壬
子進張邦昌太傅丙辰罷監察御史張所尋責江州
安置丁巳詔成都在京北襄陽荆南江寧府鄧揚二州
儲資糧脩城壘以避巡幸以簽書樞密院事張叔夜
嘗援京城力戰從徽宗北行逃命為觀文殿大學士
醴泉觀使戊午右諫議大夫范宗尹罷遣太常少卿
周望使河北軍前通問二帝西道總管王襄北道總
管趙野坐勤王緒變並分司襄陽府貴州居任尋責
襄永州野邵州並安置六月己未朔李綱入見上十
議曰國是巡幸最令惜道傷命戰守本政責成脩德

以前殿前副都指揮使王宗濬引高兵遁致都城
失守責官邵州安置徽猷閣直學士徐秉若假貨政
殿學士為大金通問使兼赴辭庚申封靖康軍節度
使仲湜嗣濮王黏罕還也雲中辛酉命新任郎官未
經上殿者並引對御史中丞顏岐罷徐秉若責官梅
州安置詔河北京陝淮湖江浙州軍縣鎮募人脩築
城壁壬戌置登聞檢鼓院癸亥以黃潛善為門下侍
郎兼權中書侍郎張邦昌坐僭逆脅降昭化軍節度
副使潭州安置及受偽命臣僚王時雍高州吳玠永
州莫儔全州李擢柳州孫觀歸州並置監顏博文王

紹以下論罪有差以知懷州霍安國河東宣撫使劉
韜死節贈安國延康殿學士韜資政殿大學士甲子
命李綱兼御營使乙丑以龍神衛四廂都指揮使馬
忠為河北經制使措置民兵洪芻罷左諫議大夫下
臺獄丁卯以祠部員外郎喻汝礪為四川撫諭督漕
計羨緡及常平錢物罷開封諸州軍府司錄曹掾官
州軍通判二員者省其一權減宰執奉賜三之一省
諸路提舉常平司兩浙福建提舉市舶司賊李孝忠
寇襄陽守臣黃叔敖棄城遁立格買馬辛未以子東
生大赦籍天下神霄宮錢穀充經費拘天下職田錢

隸提刑司還元祐黨籍及上書人恩數癸酉詔陝西
山東諸路帥臣團結軍民互相應援乙亥增諸縣弓
手置武尉領之宗室叔向以所募勤王兵屯京師或
言為變命劉光世捕誅之戊寅以汪伯彥知樞密院
事遣宣義郎傅雲使河東軍前通問二帝己卯置沿
河沿淮沿江帥府十有九要郡二十九次要郡三十
八帥守兼都總管守臣兼鈐轄都監總置軍九十萬
七千五百人別置水軍七十七將造舟江淮諸路置
三省樞密院賞功司東京留守范訥落節鉞淄州居
住庚辰以二帝未還禁州縣用樂辛巳置沿河巡察

六使壬午以工部尚書張懋同知樞密院事兼提舉
措置五部財用癸未呂好問罷甲申併尚書工部右
曹所掌節左曹命尚書總領之西以宗澤為東京留
守杜充為北京留守罷監司州郡職田丙戌詔陝西
河北京東西路募安合十萬人更番入衛行在命京
東西路造戰車丁亥以張所為河北西路招撫使若
買官民馬勸出財助國戊子以錢蓋為陝西經制使
封趙懷恩為安化郡公因召五路兵是行在殺之月
己丑朔以樞密副都承旨王欽為河東經制使庚寅
詔王淵劉光世統制官張俊喬仲福韓世忠分討陳

宋史

州軍賊杜用示東賊李皇以黎馬魚臺濱江晉平之
辛卯籍東南諸州神霄宮及贛皇錢助國用白右監
門衛大將軍貴州團練使士瑄以磁洪義兵復臨州
乙未以温州觀察使范瑄為雲南軍承宣使御營司
同都統制丙申賜諸路疆壯巡社名為忠義巡社亭
諱安撫司戊戌欽宗至燕山府以忻州觀察使張換
為河上制置使東都宣武平社林謀據成都叛代誅
己亥詔臺省寺監繁簡相兼學官並廢城舊制之半
辛丑復議兵并舊儀等十一人罪並廣南江湖諸州安
置餘遞貶有差壬寅詔奉元祐太后如東南六宮及

衛士家屬從行朕當獨留中原與金人決戰以延康
殿學士許翰為尚書右丞甲辰以右諫議大夫宋齊
愈當金人謀立異姓書張邦昌姓名斬于都市乙巳
手詔京師未可往當巡幸東南丙午詔定議巡幸南
陽以觀文殿學士范致虛知鄧州脩城池繕宮室輸
錢穀以實之丁未遣官詣京師迎奉太廟神主赴行
在配罷四道都總管以尚書虞部員外郎張浚為殿
中侍御史庚戌徵諸道兵期八月會行在丙辰徽宗
自燕山密遣閣門宣贊舍人曹勛至賜帝綃半臂書
其領白便可即真來接父母帝泣以示輔臣張所得

亮軍發行在是月關中賊史斌犯興州僭號稱帝八月戊午朔洪竊等坐圍城日括金銀自盜及私納官人芻及余大均陳冲貸死流沙門島餘五人罪有差勝捷軍校陳通作亂于杭州執帥臣葉夢得殺漕臣吳昉己未元祐太后發京師庚申以劉光世爲奉國軍節度使韓世忠張俊皆進一官辛酉右司諫潘良貴罷壬戌以李綱爲尚書左僕射兼門下侍郎黃潛善爲右僕射兼中書侍郎張焜兼御史副使癸亥命御營使副大閱五軍庚午更號元祐太后爲隆祐太后辛未罷傅亮經制副使召赴行在壬申召布衣

定赴行在命御營統制辛道宗討陳通是夕東北方有赤氣癸酉以耿南仲主和誤國南雄州安置乙亥用張浚言罷李綱左僕射丙子隆祐太后發南京命侍衛馬軍都指揮使郭仲荀護衛如江兼節制江淮荆浙閩廣諸州制置東南盜賊丁丑以龍圖閣直學士錢伯言知杭州節制兩浙淮東將兵及福建檣校手討陳通庚辰降榜招諭杭州亂兵壬午用黃潛善議殺上書太學生陳東崇仁布衣歐陽澈乙酉遣兵部員外郎江端友等撫諭閩浙湖廣江淮京東西諸路及聘訪官吏貪廉軍民利病許翰罷丁亥博州

卒官儀作亂犯萊州九月己丑建州軍校張員等作
亂執守臣張動轉運副使毛奎爲所殺判官曹仔嬰
城自守范瓊捕斬李孝忠于復州壬辰以金人犯河
陽汜水軍詔擇日巡幸淮甸鑄建炎通寶錢命淮浙
沿海諸州增脩城壁招訓民兵以備海道甲午命揚
州守臣呂頤浩繕脩城池宗澤往河北視師七月還
是夜幸道宗兵潰于嘉興縣丁酉詔荆襄關陝江淮
皆備巡幸戊戌罷買馬己亥以子粦爲檢校少保集
慶軍節度使封魏國公詔內外官司參用嘉祐元豐
敕以俟新書庚子二帝徙居霄郡辛丑陳通劫提點

刑獄周格營殺格執提點刑獄高士曠壬寅遣徽猷
閣待制孟忠厚迎奉太廟神主赴揚州以直秘閣王
圭爲招撫判官代張所責所廢南安置之己未宗澤
表請車駕還闕戊申河北招撫司都統制王彥渡河
擊金人破之復新興縣己酉以謀報金人欲犯江浙
詔暫駐淮甸捍禦稍定即還京闕募民入質授官軍
賊趙萬入常州執守臣何蒙能諸路經制招撫使庚
戌始適當三大錢于淮浙荆湖諸路壬子命湖南撫
諭官馬伸持詔賜張邦昌死于潭州併誅王時雍癸
丑詔有敢妄議惑衆沮巡幸者許告而罪之不告者

斬乙卯王彥及金人戰敗續奔太行山聚眾其裨將
岳飛引兵部曲自為一軍趙萬階鎮江府守臣趙子
崧棄城渡江保瓜洲是秋金人分兵據兩河州縣惟
中山慶源府保莫那洛冀磁絳相州久之乃陷冬十
月丁巳朔帝登舟幸淮甸戊午太后至揚州己未罷
諸路勸誘獻納錢物庚申罷諸路召募潰兵忠義等
人及寄居官擅集勤王兵者癸亥募群盜能併滅賊
眾者官之甲子以張浚訟李綱下已落綱觀文殿大
學上正奉宮祠知秀州並攝浙西提點刑獄趙叔近
入杭州招撫陳通乙丑罷帥府要郡次要郡及新軍

水軍丁卯以王淵為杭州制置盜賊使統制官張俊
從行庚午次泗州辛酉照寺甲戌太白晝見己卯次
楚州寶應縣後軍將孫琦等作亂逼左丞相言盧臣下
墮水死庚辰命劉光世討鎮江叛兵辛巳以光世為
滁和濠州江寧府界招捉盜賊制置使御營統制官
苗傅為使司都統制朝請郎李棫提舉廣西左右兩
江峒丁公事癸未至揚州禁內侍統兵官相見丙戌
王淵張俊誘趙萬等悉誅之十一月戊子李綱鄂州
居住真定軍賊張遇入池州守臣滕祐棄城遁己丑
詔雜犯死罪有疑及情理可憫者撫諭官同提刑司

酌情減降先斷後問壬辰遣王倫等為金國通問使
乙未以張慤為尚書左丞工部尚書顏岐同知樞密
院事內申曲赦應天府毫宿揚泗楚州高郵軍丙午
以張慤為中書侍郎戊申以顏岐為尚書左丞兼權
門下侍郎御史中丞許景衡為右丞刑部尚書郭三
益同知樞密院事權密州趙野棄城遁軍校杜彥據
州追野殺之辛亥命福建路增招弓手金人陷河間
府是月軍賊丁進圍壽春府守臣康允之拒却之十
二月丁辰朔命從臣四員充講讀官就內殿講讀丁
巳詔諸路提刑司選官即轉運司所在州類省試進

士以待親策辛酉王淵入杭州執陳通等誅之壬戌
青州敗將王定以兵作亂殺帥臣魯孝序癸亥黏罕
犯汜水關西京留守孫昭遠遣將拒之戰歿昭遠引
兵南遁尋命部將王仔奉啓運宮神御赴行在甲子
改授后父徽猷閣待制邢煥為光州觀察使乙丑詔
凡刑賞大政並經三省其干請墨敕行下者罪之丙
寅張遇犯江州戊辰金人圍棗州守臣姜剛之固守
金兵解去甲戌金人陷同州守臣鄭驥死之張遇犯
黃州己卯金人陷汝州入西京庚辰金人陷華州辛巳
破潼關河東經制使王瓌自同州引兵遁入蜀丁進

請宗澤降乙酉增置廣西弓手以備邊以戶部尚書黃潛厚為延康殿學士同提舉措置財用

本紀卷第二十四

本紀卷第二十五

宋史二十五

開禧司正程國書前書若丞相移國史編年對觀初朕登奉

高宗二

二年春三月丙戌朔帝在揚州丁亥錄兩河流域亡文士沿河給流民官甲種馬子金人陷鄆州交撫劉汲死之辛卯置木石於路三金人犯東京宗澤遣將擊卻之安已信明法新法四十年請宗澤宗澤主之未金人破水關置前河東節制劉信傳亮以兵降經略使車副總管等守禦是馬原通

轉運副使桑維翰官曾請黜刑部事經略
司主管機宜之官尚及妻子健中俱死之京平府
兵馬鈐轄孔彥舟被渡淮犯苦刑卒臣始令懲拒之
丙申詔自今犯枉法自盜贓者口言善其姓名罪至
徒者永不錄用金人陷均州守臣樓方明遁去丁酉
金人陷房州己亥張遇其州秘閣修撰孫昭遠為
亂兵所害庚子遣主客員外郎謝世為陝西撫諭使
兼宣諭使待詔賜夏國張遵陽鎮江府守臣錢伯言
棄城走辛丑內侍邵成章坐師言大臣除名南雄州
編管金人陷鄭州通判趙伯樞死之癸卯金帥窩里

為盜賊者釋其罪己酉禁諸將引潰兵入蜀置大散
關使以審驗之庚戌遣考功員外郎傅芳為淮東京
東西撫諭使辛亥王淵招降張遇以所部萬人歸韓
世忠改授顯謨閣直學士孟忠厚為常德軍承宣使
詔凡右族毋仕侍從官著為令金人焚鄧州是月以
中奉大夫劉豫知濟南府金人陷壽昌府守臣孫默
為所殺經制司僚屬王擇仁復示與軍金人陷泰州
經畧使李復降又在熙河經畧使張洵遣兵馬都監
劉惟輔與戰于新店敗之斬其帥黑鋒二月丙辰金

宋史卷一百一十五

四百八十八
人再犯東京宗澤遣統制閻中丞等拒一守立戰死
戊午移耿南仲于臨江軍金人陷唐州二成安北軍
節度副使宇文虛中應詔使絕域復中大夫召赴行
在癸亥罷市易務甲子金人犯滑州宗澤遣張搆救
之戰死乙丑澤遣判官光世廷等表請帝還關河北
賊楊進等詣澤降丁卯復延康述古殿直學士為端
明樞密直學士辛未詔自今犯法自盜賊罪至死
者籍其贖壬申赦福州叛卒張員等癸酉金人陷蔡
州執守臣閻孝忠丙子金人陷淮寧府守臣向子詔
詔之丁丑遣王貺等充金國軍前通問使戊寅責降

知鎮江府趙子崧為單州團練副使南雄州安置己
卯奪秘書正字胡瑄官送梧州編管朝奉大夫劉正
彥應詔使絕域授武德大夫威州刺史尋為御營右
軍副統制庚申以王淵為嚮德軍節度使辛巳武功
大夫和州防禦使馬擴奔真定五馬山砦聚兵得皇
弟信王榛于民間奉之總制諸砦壬午詔京畿京東
西河北淮南路置振華軍八萬人是月成都守臣盧
法原修城成三月辛卯金人陷中山府壬辰詔諸路
安撫使許便宜節制官吏丁酉初立大小使臣呈試
弓馬出官格先閱試然後奏補黏罕焚西京去庚子
嘉靖丙辰年
宋史本紀卷三十五
監生陶復刊

河南統制官程進復西京宗澤奏進為京西北路安撫制置使丙午遙授尚書右僕射何臬為觀文殿大學士中書侍郎陳過庭為資政殿大學士同知樞密院事聶昌為資政殿大學士並主管宮觀時臬已卒于金昌為人所殺朝廷未之知過庭亦在金軍中丁未罷內外權局官之不應法者遣楊應誠為大金高麗國信使巴西張員等復作亂擁眾突城出命本路提點刑獄李芘討捕之辛亥以范瓌權向主管侍衛步軍司公事屯真州是月金人陷鳳翔府守臣劉清臣棄城去又犯涇原經畧使曲端遣將拒戰敗之金

兵走同華石壕尉李彥仙舉兵復陝州夏四月丙辰詔文臣從官至牧守武臣管軍至遥郡各舉所知二人戊午禁州縣責鄰保代輸逃戶稅役宗澤遣將趙世興復滑州乙丑翟進以兵襲金帥兀室于河南兵敗其子亮死之進又率御營統制韓世忠京城都巡檢使丁進等兵戰于文家寺又敗世忠收餘兵南歸兀室復入西京尋棄去隴右都護張巖及金人戰于五里坡敗績死之丁卯金人入洛州壬辰軍賊孫琦焚隨州癸未入唐州信王榛遣馬擴來奏事是月以榛為河外兵馬都元帥擴為元帥府馬步軍都總管

五月乙酉許景衡罷孫琦犯德安府丙戌命參酌元
祐科舉條制立詩賦經義分試法戊子以翰林學士
朱勝非爲尚書右丞辛卯以金兵渡河遣韓世忠宗
澤等逆戰甲午曲赦河北陝西京東路福建轉運判
官謝如意執張員等六人誅之內申復命宇文虛中
爲資政殿大學士充金國祈請使賊靳賽寇光山縣
戊戌河北制置使王彥部兵渡河屯滑州之沙店癸
卯張懋薨甲辰金帥婁宿陷絳州丁未復置兩浙福
建提舉市舶司己酉秀州卒徐明等作亂執守臣朱
芾迎前守趙叔近復領州事命御營中軍統制張俊

討之癸丑罷借諸路職田六月乙卯邛州鑄錢增印
錢引癸亥建州卒葉濃等作亂移福州甲子親慮囚
乙丑張俊至秀州殺趙叔近執徐明斬之甲戌葉濃
陷福州丁丑詔江浙沿流州軍練水軍造戰艦京畿
淮甸蝗是月以知延安府王庶節制陝西六路軍馬
涇原經畧使曲端爲節制司都統制未與軍經畧使
郭瑛逐王擇仁擇仁奔興元秋七月甲申葉濃入寧
德縣復還建州命張俊同兩浙提點刑獄趙哲率兵
討之丙戌詔吏部審量京官非政和以後進書頌及
直赴殿試人乃聽參選宗燁堯丁亥詔有官坐蔡京

王黼擬授而廢者許自新復用戊子禁軍中抉目劄
心之刑壬辰選二浙州軍正兵士兵六之一赴行在
乙未以郭仲荀為京城副留守戊戌錄內外諸軍將
士功辛丑以春霖夏旱蝗詔監司郡守餘上闕政州
郡災甚者蠲田賦甲辰以降授北京留守杜充復樞
密直學士為開封尹東京留守八月甲寅初鑄御寶
三甲戌御集英殿策試禮部進士罷殿中侍御史馬
伸尋責濮州河北京東捉殺使李成煥辛巳犯宿州
是月二帝徙居韓州九月甲申丁進叛復寇淮西庚
寅賜禮部進士李易以下四百五十一人及第出身

特奏名進士皆許調官壬辰口侍從所舉褚宗諤等
二十一入驛赴行在癸巳金一箇置州將官李政死
之甲午金人再犯永興軍總兵官郭安泰棄城退保義
谷辛丑陝西節制司兵官賀正及金人戰于八公
原敗績之丙午復所滅京官奉丁未秦京留守統
制官薛廣夏金人戰于相州敗走己酉郭正及金人
戰于三馬山郭正不為所殺馬橫
軍敗于北京之清平冬十月甲寅帝揚州濟陰修城
閏江淮州水軍楊應寶還自固始庚午遣劉光世
討李成

范增領二三家平開德府分道在野之可馬橫援之
甲子命王忠厚率陸林大后幸杭州賜進德殿設宴
洛命看進擊于鳴皋山翟進戰死丙子罷兵部看量
崇寧大觀以來濫賞止全自陳是月劉正彥擊丁進
降之十一月辛巳朔提舉嵩山崇福宮李綱責授單
州團練副使萬安軍安置劉光世及李成戰于新息
縣成敗走高麗國王王楷遣其臣尹彥順入見金人
圍陝州守臣李彥仙拒戰卻之三辰金人陷延安府
權知府劉選總管馬忠比通判府事魏彥明死之
癸巳趙哲人破葉濃于建州城下濃遁而降復謀為

變張俊禽斬之乙未金人陷濮州守臣楊粹中又
陷開德府守臣王棟死之以魏行可充金國軍前通
問使庚子詔壽寧寺朝饗祖宗神主三賓冬至祀天
上帝于園丘以太祖配大赦金人陷相州守臣趙
不試死之甲辰陷德州兵馬都監趙汝教死之庚戌
立三庶子弟習射補官法是月節制陝西軍馬三庶
為都統制由端所拘奪其帥四川秦馬趙開罷官買
曹茶給引通商如政和法金人犯晉寧軍守臣徐徽
言拒卻之知府折可求以城降金人陷滑州巡原
兵馬都監吳玠襲斬史斌濱州賊三進陷棣州守臣

美明之死之京東賊李氏請行在請降王淵斌其衆
留民為將十二月乙卯太后至杭州是歲統制苗傅
以其軍八千人舉兵國寺庚申金人犯東京平府京西
路制置使權亮彥深城去又犯濟南府守臣劉豫以
城降甲子金人陷大名府提點刑獄郭永罵敵不屈
死之轉運判官裴億降又陷龍慶府乙丑陷魏州丙
寅初命修國史己巳以黃潛差百為尚書左僕射兼門
下侍郎汪伯彦右僕射兼中書侍郎劾岐門下侍郎
朱勝非中書侍郎兵部尚書唐鑑同知樞密院事辛
未金人犯青州丁丑特進致仕余深金紫光祿大夫

致仕薛昂並分司進昌軍徽州居住耿南仲再責單
州別駕唐恪追落觀文殿大學士戊寅以禮部侍郎
張浚兼御營參贊軍事教習長兵是冬杜充決黃河
自泗入淮以阻金兵

三年春正月庚辰朔帝在揚州以京西北路兵馬鈐
轄翟興為河南尹京西北路安撫制置兼招討使京
西賊貴仲正陷岳州甲申以資政殿學士路允迪簽
書樞密院事丁亥金人再陷青州又陷濰州焚城而
去京東安撫劉洪道入青州守之己丑奉安西京會
聖宮累朝御容于壽寧寺占城國入貢趣大金通問

嘉靖丙辰年

卷之三

監生陶復刊

使李鄴周望宋彥通吳德休等往軍前辛卯陝州都
統邵興及金人戰于潼關敗之復虢州乙未杜充遣
岳飛桑仲討其叛將張用于城南其徒王善救之官
軍敗績庚子張用王善寇淮寧府守臣馮長寧却之
詔百官聞警遣家屬避兵致物情動搖者流丙午黏
罕陷徐州守臣王復及子倚死之軍校趙立結鄉兵
爲興復計御營平寇左將軍韓世忠軍潰于沐陽其
將張遇死世忠奔鹽城金兵執淮陽守臣李寬殺轉
運副使李跋以騎兵三千取彭城間道趣淮甸戊申
至泗州二月庚戌朔始聽士民從便避兵命劉正彥

部兵衛皇子六宮如杭州江淮制置使劉光世阻淮
拒金人敵未至自潰金人犯楚州守臣朱琳降辛亥
金人陷天長軍壬子內侍鄭詢報金兵至帝被甲馳
幸鎮江府是日金兵過揚子橋癸丑游騎至瓜洲太
常少卿季陵奉太廟神主行金兵追之失太祖神主
王淵請幸杭州命留朱勝非守鎮江以吏部尚書呂
頤浩爲資政殿大學士江淮制置使都巡檢使劉光
世爲殿前都指揮使充行在五軍制置使駐鎮江府
控扼江口主管馬軍司楊惟忠節制江東軍馬駐江
寧府是夕發鎮江次呂城鎮金人入真州甲寅次常

州御營統制王亦謀據江寧不克而遁御營平寇前將軍范瓊自東平引兵至壽春其部兵殺守臣鄧紹密丙辰次平江府丁巳金人犯泰州守臣曾班以城降丁進縱兵剽掠王淵誘誅之戊午次吳江縣命朱勝非節制平江府秀州控扼軍馬禮部侍郎張浚副之又命勝非兼御營副使留王淵守平江以忠訓郎劉俊民為閤門祗候齋書使金軍詔錄用張邦昌親屬仍命俊民持邦昌貽金人約和書藁以行金人陷滄州守臣劉錫棄城走己未次秀州命呂頤浩往來經制長江以龍圖閣待制知江州陳彥文為沿江措

置使庚申次崇德殿而呂頤浩行即拜同簽書樞密院事江淮兩浙制置使以兵二十還屯京口又命御營中軍統制張俊以兵八千守吳江吏部員外郎鄭資之為沿江防托監察御史林之平為沿海防托募海舟守隘壬戌駐蹕杭州金人陷晉寧軍守臣徐徽言死之癸亥下詔罪已求直言令有司具舟常潤迎濟衣冠軍民家屬有儀物賸羞出宮人之無職掌者乙丑隆德音赦雜犯死罪以下囚放還三大夫被竄斥者惟李綱罪在不赦更不赦還蓋用黃潛善計罪綱以謝金人置江寧府權貨務都茶場丁卯百官入

見應迪功郎以上並赴朝參戊辰出米十萬斛即杭
秀常湖州平江府貢直以羅濟東北流寓之人金人
焚揚州已巳用德史中丞張澂言罷黃潛善汪伯彥
以戶部尚書葉夢得為尚書左丞澂為右丞庚午詔
平江鎮江府常湖抗越州具寓居京朝官已上姓名
以備簡拔分命浙西監司等官募土豪守千秋垂脚
襄陽諸嶺以扼宣常諸州險要金人去揚州辛未詔
御營使司唯掌行在五軍凡邊防經制並歸三省樞
密金人過高郵軍守臣趙士瑗棄城走濱兵宋進犯
秦州守臣曾汝道士申罷寧朔司招敵財者呂頤

浩遣將陳彥渡江襲金餘兵復揚州癸酉斬賽犯通
州韓世忠小校李在叛據山郵甲戌黃潛善汪伯彥
並落職乙亥召先勝非赴行在留張浚駐平江贈陳
東歐陽澈承事郎官有服親一人恤其家召馬伸赴
行在卒贈直龍圖閣丙子詔士民直言時政得美是
月以三庶為陝西節制使知京兆府節制司都統制
尚端為廊延經畧使知延安府張用據確山號張莽
蕩二月己卯朔日中有黑子庚辰以朱勝非為尚書
右僕射兼中書侍郎辛巳葉夢得罷以盧益為尚書
左丞未拜復罷為資政殿學士御營都統制三淵同

四百九
簽書樞密院事呂頤浩為江南東路安撫制置使知
江寧府壬午詔三淵免進三書押本院文字意從統
制苗傳恣三淵驟得君劉正彥恣招降劇盜而嘗薄
帝在揚州闔官用事恣橫諸將多疾之卒未傳正彥
等叛勤兵向闕救王淵及內侍康履以下百餘人帝
登樓以傳為慶遠軍承宣使御營使司都統制正彥
渭州觀察使副都統制傳等迫帝遜位於皇子魏國
公請隆祐太后垂簾同聽政是夕帝移御顯寧寺甲
申尊帝為睿聖仁孝皇帝以顯寧寺為睿聖宮大赦
以張徽兼中書侍郎韓世忠為御營使司提舉一行

事務前軍統制張俊為秦鳳副總管分其衆隸諸軍
丁亥以東京留守杜充為資政殿大學士節制京東
西路殿前副都指揮使東京副留守郭仲荀進昭化
軍節度使分京內侍監珪高覲張去為張旦曾樸陳
永錫子嶺南諸州擇已行傳追還起之呂頤浩至江
寧父子以端明殿學士王孝迪為中書侍郎盧益為
尚書左丞張俊部衆八千至平江張浚諭以決策起
兵問罪約呂頤浩劉光世招韓世忠來會已丑改元
明受張浚奏入睿聖皇帝親總要務吳玠言官始朝
睿聖宮以苗傳為武當軍節度使劉正彥為武成軍
宋史二十一

四百九十一
丙午張浚同知樞密院事翰林學士李郁御史中丞
鄭毅並同簽書樞密院事呂頤浩張浚發平江丁未
次吳江奏乞建炎三帝還即尊位未勝非召傳正彥
至都堂議復辟傳等遂朝唐聖宮金人陷京東諸郡
劉洪道棄青州去棣懶以劉豫知東平府節制河南
州郡趙立復徐州夏四月戊申朔太后下詔還政皇
帝復入位帝還宮與太后御前殿垂簾詔尊太后為
隆祐皇太后己酉詔訪求太祖神主以苗傅為淮西
制置使劉正彥副之庚戌復紀年建炎命張浚知樞
密院事苗傅劉正彥並檢校少保呂頤浩張浚軍次

臨平苗翊馬柔吉拒戰不勝傅正彥引兵二十夜逃
辛亥皇太后撤簾呂頤浩等入見傅犯苗陽新城二
縣遣統制王德喬任福追擊之癸未朱勝非穎岐王
孝迪張浚路允迪俱罷以呂頤浩為尚書右僕射兼
中書侍郎李郁尚書右丞鄭毅簽書樞密院事甲寅
以劉光世為太尉御營副使韓世忠為武勝軍節度
使御前左軍都統制張俊為鎮西軍節度使御前右
軍都統制勤王所僑屬將先進官有差主管殿前司
王元左言並簽書官英賀州安置樞密都承旨馬瑗傳
官永州戶部員外郎范仲熊浙西安撫司主管

四
機宜文字時希蓋並除名柳州言陽軍編管斬中軍
統制吳湛工部侍郎三世修于市贈王淵開府儀同
三司乙卯大赦舉仁宗法度應嘉祐條制與今不
同者自官制役法外賞格從重條約從寬罷上供不
急之物元祐石刻黨人官職恩赦治復未盡者令其
家自陳許中外直書丁巳禁內侍交通主兵官及饋
遺假貸借役禁兵干預朝政庚申詔尚書左右僕射
並帶同中書門下平章事改門下中書侍郎為參知
政事省尚書左右丞以李淑參知政事詔行在職事
官各舉所知併省館學寺監等官苗傅犯權州等事

以給事中周均王為江浙制置使丁卯帝發杭州留鄭
毅衛皇太后以韓世忠為江浙制置使及劉光世追
討傅正彥已巳詔傅正彥苗傅張達不赦餘黨
並原立申立子魏國公專為皇太子赦傅黨三鈞南
馬柔言罪許其自歸丙子范瑋有光斬引兵屯洪州
是月劉文舜寇濠州西北賊孫慶襲據高郵軍五月
戊寅朔帝次常州以張浚為宣撫處置使以川陝京
西湖南北路諫之聽便宜黜陟庚辰苗傅統領官張
翼斬三鈞南馬柔言降辛巳次鎮江府遣祭張懿陳
京墓詔恤其家癸未以翰林學士滕康同簽書樞密

院事乙酉至江寧府駐蹕神霄宮改府名建康起復
朝散郎洪皓為大金通問使丁亥以徽猷閣直學士
陳彥文提領水軍措置江浙防範各處等速還朝
己丑韓世忠追討傳兵于清城縣獲其妻傳遁走
張浚撫諭薛慶于高郵為慶所留乙未浚罷以御營
前宣統制王夢為淮南招撫使已亥復置中書門下
省檢正官省左右司郎中一員尚書傳裨將江池殺苗
翊降于周望傳走建陽縣土豪唐標執之以獻辛丑
張浚還自高郵復命知樞密院事是月霍興擊殺楊
進餘黨復推其徒劉可拒官軍六月戊申朔以東京

留守杜充引兵赴行在命張宣撫處置副使節制淮
南京東西路己酉以久雨召即官已上言闕政呂頤
浩請令實封以聞遂用司勳員外郎趙鼎言罷王安
石配享神宗廟庭以司馬光配王善汝淮寧府不克
轉寇宿州統領王冠戰敗之甲寅罷賞功司乙卯命
恤死事者家且錄其後升浙西安撫使康允之為制
置使丙辰劉光世招安苗傅歸韓侂胄命江沂淮
南引塘樂開畝澮以阻金兵庚申皇太后至建康府
辛酉以久陰下詔以四失罪己一日昧經邦之大略
二曰昧戡難之遠圖三曰無幾人之德四曰失馭臣

四百八十八
之柄仍榜朝堂編諭天下使知朕悔過之意以帶御
器械李質權同主管殿前司乙丑以建康府路安撫
使連南天燕建康府宣徽太平等州制置使丁卯右
司諫袁植請誅黃潛善及天守者權邦彥等九人詔朕
方念咎責已豈可盡以過失歸於臣下遂罷植知池
州以趙鼎為右司諫癸酉置樞密院檢詳官以右司
郎中劉寧止為沿江措置副使甲戌移御行宮乙亥
詔諭中外以迫近防秋請太后率宗室迎奉神主如
江表百司庶府非軍旅之事者並令從行朕與輔臣
宿將備御統應接中原官吏士民家屬南去者有

司毋禁金人陷磁州是夜賊貴仲正降秋七月戊寅
贈王復為資政殿學士己卯朔慮囚辛巳苗傅劉正
彥伏誅癸未進韓世忠檢校少保武勝昭慶軍節度
使御營使司都統制范瑁自汴州入朝以瑁為御營
使司提舉一行事務後軍統制辛巳宗為都統制命
學士阮卓夏國書大金國表奉竹張浚甲甲詔以苗
劉之變當軸大臣不能身荷社稷未勝非賴岐路允
迪並落職張浚衡州居住以知廬州胡舜陟為淮西
制置使知江州權邦彥兼本路制置使金人犯山東
安撫使劉洪道棄濰州趨萊州守將張成舉城降丁

宋史卷一百一十五

亥以范瑒為無狀收下大理獄分其兵錄神武五
軍皇太子靈謚元懿戊子鄭徽薨己丑以資政殿大
學士王綯參知政事兵部尚書周望同簽書樞密院
事庚寅仙井監編戶進士李時雨上書乞選立宗子
係屬人心帝怒不遠鄉里辛卯升杭州為臨安府壬
辰言者又論范瑒而徽宗及迎立張邦昌瓊辭伏
賜死子弔皆流嶺南劉洪道復青州執金守向大猷
乙未遣謝亮使夏國丁酉遣崔縱使金軍前庚子張
浚發行在辛丑王瓚與靳憲遇合戰敗績壬寅命李
邵滕康權知三省樞密院事危從太后如洪州楊惟

忠將兵萬以衛以杜充同知樞密院事兼宣撫處
置副使乙巳詔江西閩廣荆湖諸路團教峒丁槍杖
手山東賊郭仲威陷淮陽軍翟興引兵入汝州與賊
王俊戰敗之八月己酉移浙西安撫司于鎮江府庚
戌李邴罷壬子以吏部尚書劉珪為端明殿學士權
同知三省樞密院事甲寅王庶罷以徽猷閣直學士
知慶陽府王似為陝西節餼劉文舜入舒州己未太
后發建康丁卯遣杜時亮使金軍前閏八月丁丑朔
以胡舜陟為沿江都制置使集英殿備撰王義叔副
之丁亥輔達掠連水軍殺軍使郝璘率眾降于王瓚

已丑以呂頤浩守尚書左僕射杜充守右僕射並同
中書門下平章事庚寅起居郎胡寅上書言二十事
呂頤浩不悅罷之辛卯命杜充兼江淮宣撫使守建
康前軍統制王瓚隸之韓世忠為浙西制置使守鎮
江劉光世為江東宣撫使守太平池州並受充節制
丁酉太后至洪州己亥減福建廣南歲上供銀三之
一詔制置使唯用兵聽便宜餘事悉禁壬寅帝發建
康復還浙西張俊辛巳宗以其軍從甲辰次鎮江府
賜陳東家金張浚次襄陽招官軍義兵分屯襄郢唐
鄧以程千秋李允文節制是月知濟南府宮儀及金
人數戰于密州兵潰儀及劉洪道俱奔淮南守將李
達以密州降金靳賽詣劉光世降九月丙午朔日有
食之謀報金人治舟師將由海道窺江浙遣韓世忠
控守圖山福山辛亥次平江府壬子金人陷單州興
仁府遂陷南京執守臣凌唐佐降之癸丑以周望為
兩浙荆湖等路宣撫使總兵守平江翰林學士張守
同簽書樞密院事命劉光世移屯江州丙辰遣張邵
等充全國軍前通問使人陷沂州却高麗入貢使
張浚承制罷知潭州辛炳起復直龍圖閣向子諲代
之丁巳蠲諸路青苗積欠錢辛酉知鼎州邢侗坐結

取律余覩再責汝州團練副使英州安置癸亥賜宿
泗州都大提舉使李成軍絹二萬匹成尋復叛己巳
以胡舜陟為宣撫司參謀官知鎮江府陳邦光為沿
江都制置使庚午以工部侍郎湯東野知平江府兼
浙西制置使辛未追復鄒浩龍圖閣待制壬申夜潭
州禁卒作亂謀竄不果向子諲隨招安之甲戌金帥
婁宿犯長安經略使郭琰棄城遁河北賊鄺瓊圍光
州冬十月丙子朔詔按察官歲上所發捕賊吏姓名
以為殿最庚辰禁諸軍擅入川陝癸未帝至杭州復
如浙東庚寅渡浙江郭仲威詣周望降望以仲威為
本司統制辛卯李成陷滁州殺守臣向子伋壬辰帝
至越州癸巳命提舉廣西峒丁李械市馬邕州置牧
養務戊戌初命東南八路歲收經制五項錢輸行在
張浚治兵于興元府金人陷壽春府庚子陷黃州守
臣趙令歲死之辛丑張浚以同主管川峽茶馬趙開
為隨軍轉運使專總四川財賦金人自黃州濟江劉
光世引軍遁知江州韓招棄城去金人自大治縣趨
洪州是月京西賊劉滿陷信陽軍殺守臣趙士負盜
入宿州殺通判盛備己十一月乙巳朔金人犯廬州
守臣李會以城降王善叛降金金人執之丁未詔降

雜犯死罪釋流以下囚聽李綱自便追復宋齊愈官
貴仲正犯荆南兵馬鈐轄渠成與戰斬之戊申金帥
兀术犯和州守臣李儔以城降通判唐璟死之己酉
張浚出行關陝兀术陷無爲軍守臣李知幾棄城走
壬子太后退保慶州江西制置使王子獻棄洪州走
丁巳金人陷臨江軍守臣吳將之遁戊午遣孫悟等
充金國軍前致書使金人陷洪州權知州事李積中
以城降撫袁二州守臣王仲山王仲疑皆降淮賊劉
忠犯蘄州韓世清逆戰破之忠入舒州殺通判孫知
微庚申金人陷真州守臣向子志棄城去辛酉太后
至吉州壬戌金人犯建康府陷溧水縣尉潘振死之
癸亥金人陷太平州主管步軍司閻勅自西京奉累
朝御容至行在詔奉安于天慶觀尋命勅節制淮西
軍馬以拒金人甲子杜充遣都統制陳淬岳飛等及
金人戰于馬家渡工瓌以軍先遁淬敗績死之乙丑
以檢正諸房公事傅崧卿爲浙東防遏使太后發吉
州次太和縣護衛統制杜彥及後軍揚世雄率衆叛
犯永豐縣知縣事趙訓之死之金人至太和縣太后
自萬安陸行如慶州丁卯下詔回浙西迎敵金人犯
吉州守臣楊淵棄城走又陷六安軍己巳帝發越州

次錢清鎮庚午復還越州以周望同知樞密院事仍
兼兩浙宣撫使守平江殿前都指揮使郭仲荀為副
使守越州右軍都統制張俊為浙東制置使從行御
史中丞范宗尹參知政事辛未兀朮入建康府守臣
陳邦先戶部尚書李杞迎拜通判楊邦乂拒之癸酉
帝如明州金人犯建昌軍兵馬監押蔡迺世擊却之
甲戌兀朮殺楊邦乂韓世忠自鎮江引兵之江陰軍
江淮宣撫司潰卒李選攻陷鎮江淮西兵馬都監王
宗望以濠州降于金是月張浚至秦州桑仲自唐州
犯襄陽京西制置使程千秋賂走仲遂據襄陽十二

月乙亥朔張浚承制廢積石軍丙子帝至明州丁丑
江淮宣撫司準備將戚方擁眾叛犯鎮江府殺守臣
胡唐老辛巳金人陷常州守臣周杞遣赤心隊官劉
晏擊走之陷廣德軍殺守臣周烈劉光世引兵趨南
康軍壬午定議航海避兵禁卒張寶等憚行謀亂命
呂頤浩等伏兵執寶等十七人斬之甲申張浚承制
拜涇原經略使曲端為威武大將軍宣撫處置使司
都統制乙酉兀朮犯臨安府守臣康允之棄城走錢
塘縣令朱躡死之已丑帝乘樓船次定海縣紿行在
諸軍雪寒錢辛卯留范宗尹趙鼎于明州以候金使

癸巳帝次昌國縣乙未杜彥犯潭州殺通判孟彥卿
趙民彥金人屠洪州戊戌金人犯越州安撫使李鄴
以城降衛士唐琦袖巨石要擊金帥琶八不克死之
郭仲荀棄軍奔温州庚子移辛温合癸卯黃潛善卒
于英州李成自滁州引兵之淮西

本紀卷第二十五

本紀卷第二十六

宋史二十六

關儀言上柱國錄軍國事前中書右丞相
禮部尚書都察院御史大夫等奉
勅修

高宗三

四年春正月甲辰朔御舟碇海中乙巳金人犯明州
張俊乃守臣劉洪道擊却之丙午帝次台州章安鎮
己酉遣小校自海道如處州問安太后庚戌金人再
犯明州張俊引兵去浙東副總管張思政及劉洪道
繼遁癸丑貶郭仲荀汝州團練副使廣州安置丙辰
詔原兩浙州郡降金官吏丁巳婁宿陷陝州守臣李

彥仙死之己未金人陷明州夜大雨震電乘勝破定
海以舟師來襲御舟張公裕以大船擊退之辛酉發
章安鎮壬戌雷雨又作甲子伯溫州港口乙丑以中
書舍人李正民為兩浙湖南江西撫諭使詣太后問
安丁卯台州守臣晁公為棄城遁處州衛兵及鄉兵
相殺縱火肆掠三日劉可轉寇京西屢為桑仲所敗
至是為其黨所殺復推劉超據荆門軍戊辰滕康劉
珪罷仍奪職己巳換給僧道度牒人輸錢十千辛未
命臣僚條具兵退之後措置之策駐蹕之所是月金
人攻楚州守臣趙立拒之金人犯邠州曲端遣涇原

路副總管吳玠拒戰敗之于彭原又陷同州張瑄
謝亮使夏國至則其主乾順已稱制遂還二月甲午
朔鄺瓊率眾降于劉光世叛將傅選詣處州乞降己
亥奉安祖宗神御于福州詔復以盧益為資政殿學
士李回端明殿學士並權知三省樞密院事金人陷
潭州將吏王暕劉价趙聿之戰死向子諲率兵奪門
亡去金兵大掠屠其城丙子金人自明州引兵還臨
安癸未虔州鄉兵首領陳新率眾數萬圍城叛將胡
友亦犯虔州與新戰破之新乃去甲申禁迓卒殺刺
別軍丙戌金人自臨安退兵命劉光世率兵追之丁

亥金人陷汴京權留守上官悟出奔為盜所殺庚寅
帝次温州浙東防邊使傅崧卿入越州辛卯金人陷
秀州甲午知蔡州程昌寓棄城南歸鼎州民鍾相作
亂自稱楚王乙未杜充罷丙申以金兵退肆赦張浚
承制以陝西制置使王似知成都府罷諸路武臣提
點刑獄李成入舒州金游騎至平江周望奔太湖守
臣湯東野亦遁茶陵縣軍賊二千餘人犯郴州永興
縣戊戌金人入平江縱兵焚掠辛丑白虹貫日鍾相
陷湖州殺守臣黃宗權湖北制置使傅雱招諭孔彥
舟彥舟聽命因以為湖南北提殺使荆南守臣唐懿
棄城去金人陷醴州守臣王淑棄城去是月張浚自
秦州引兵入援三月癸卯朔孔彥舟入鼎州金人去
平江統制陳思恭以舟師邀敗其後軍于太湖呂頤
浩請幸浙西丙午趙鼎言金兵去未遠遂緩其行丁
未命發運司說諭兩浙富氏助米以備巡幸辛亥遣
兵部員外郎馮康國等撫諭荆湖南北廣南諸路壬
子金人入常州守臣周杞棄城去甲寅遣盧益及御
營都統制辛企宗奉迎太后東還丙辰金人犯終南
縣經略使鄭恩戰敗死之丁巳金人至鎮江府韓世
忠屯焦山寺邀擊之詔侍從官各舉可克監司者一

二人辛酉御舟發温州宣撫司節制軍馬季允文部
兵至鄂州御營前軍將楊勅叛甲子張浚請使宣辟
官不許傷改戊辰孔彥舟擊敗鍾相禽相及其子子
昂檻送行在己巳戚方陷廣德軍殺權通判王傳夏
四月癸酉瀾江西州縣兵盜殲破民家夏稅戊寅吳
玠及金人戰于邠州彭原店敗績部將楊晟死之己
卯以觀文殿學士朱勝非為江西湖南北宣撫使是
日張浚引兵至房州知金兵退入遂發未嘗歸越州
甲申下詔親征巡幸浙西韓世忠以甲榜子江安金
人歸路屢敗之兀朮引軍走建康乙酉以御史中丞

趙鼎為翰林學士鼎固辭不拜戚方圍宣州劉光世
遣統制王德諤誅劉文蔚于饒州丙申用趙鼎劾奏
呂頤浩罷為鎮南軍節度使醜泉親使命三省樞密
院同班奏事韓世忠及兀朮再戰江中金人乘風縱
火世忠敗績兀朮渡江也六合縣丁酉浚以趙鼎為
御史中丞戊戌振明州被兵民家己亥以張浚為浙
西江東制置使辛丑王德破妖賊王宗石于信州貴
溪縣執其渠帥諸縣悉平是月金人犯江西者自荆
門軍北歸留守司同統制牛皋潛軍寶豐擊賊之五
月甲辰以范宗尹為尚書右僕射兼御營使辛亥統

領赤心隊軍馬劉晏及戚大戰于宣州敗死壬子金
人焚建康府執李棧陳邦光而去淮南宣撫司統制
兵飛邀擊于靜安鎮敗之是夜紫微垣內有赤雲曰
天白氣貫其中癸丑詔臺諫等官各舉所知二人以
張中參知政事趙鼎兼書樞密院事以白金三萬兩
賜韓世忠軍贈戰歿將孫世詢祿不吉張淵等官甲
寅金人既定遼縣執閻勅去勅不屈死之巨師古擊
成方平宣州數敗之方引去乙卯王綯罷丁巳命劉
光世移軍捕賊方楊勅犯婺州戊午復置權尚書六
部侍郎癸亥詔中原淮南流寓士人聽所在州郡附
試甲子周望罷尋分司衡州居住置京畿淮南湖北
京東西路鎮撫使乙丑升高郵軍為承州以翟興孟
汝趙立劉位趙霖李成吳翊李彥先薛慶並為鎮撫
使興河南府汝唐州立楚泗州連水軍位滁濠州霖
和州無為軍成舒漸翊光黃州彥先海州淮陽軍慶
承州天長軍丁卯慶及金人戰于承州城下累敗之
戊辰命江浙州縣悉戰死兵民分江東西為鄂州江
州池州三路置安撫使罷諸路帥臣兼制置使諸州
守臣兼管內安撫使是月劉超據荆南分兵犯峽州
又言叛將彭筠犯復州淮西敗將崔增陷焦湖亦若

河東北經制使王俊舉兵及金人戰于襄城縣敗之
復穎昌府張浚承制以金房州隸利路六月辛未朔
蠲紹興府三縣湖田米詔侍從臺諫諸將集議駐蹕
事宜揚勅犯處州癸酉追統制陳思恭討勅合江南
兩路轉運為部轉運使丙辰周望昭化軍鄧度副使
連州安置甲戌罷御營司以范宗尹兼知樞密院事
乙亥王瓚遣統領林閏鎰追襲揚勅于東陽縣軍敗
裨將李在死之丁丑以賴光世部兵為御前巡衛軍
光世為都統制揚勅等逃建州戚方犯湖州安吉縣
詔張俊捕之戊寅更御營司五軍為神武軍御營五軍

為神武副軍以知建康州權邦彥為淮南等路制置
發運使滁濠鎮撫使劉位為賊張文舉所殺命其子
綱襲職庚辰置鎮撫使六人陳規德安府復州漢陽
軍解濟荆南府歸陝州加門公安軍程昌寓鼎澧州
陳永道襄陽府鄧隨郢州范之才金筠房州馮長寧
海寧順昌府蔡州辛巳慮囚中命有司討論釐正崇
寧以承濫賞罷諸州添左通判職官癸未召劉光世
赴行在甲申岳飛破戚方于廣德軍乙酉鍾相為將
胡源引兵入慈利縣執其黨陳誠來降丙戌以呂頤
浩為建康路安撫大使劉光世為兩浙路安撫大使

朱勝非爲江州路安撫大使郭仲威爲真揚州鎮撫使戚方請張俊降廣寅召韓世忠率兵赴行在辛卯妖賊王宗石等伏誅上辰權密州都巡檢徐文舉部兵泛海來歸甲午置樞密院幹辦官四員乙未郭仲威犯鎮江府遣岳飛擊之是月元术聞張浚在秦州將舉兵北伐自六合引兵趨陝西秋七月癸卯劉光世援宣撫使例乞便宜行事不許詔軍興以來諸州得便宜指揮者並罷乙巳馮長寧復順昌府張浚罷曲端都統制丁未以劉光世爲集慶軍節度使開府儀同三司戊申以孔彥舟爲辰元靖州鎮撫使張浚

獻黃金萬兩助軍用宣撫司遣統制官呂世存王俊復鄜州其餘州縣多迎降後軍將王闢叛陷歸州鈐轄田祐恭擊敗之己酉王闢犯房州守臣韋知幾棄城走庚戌揚勅受劉光世招安尋復叛去迫泉州癸丑崔增犯太平州守臣郭偉拒却之乙卯金人徙二帝自韓州之五國城劉光世乞移司平江不許丙辰張俊合諸將戚方等兵萬餘赴行在丁巳申命元祐黨人子孫于州郡自陳盡還當得恩數韓世忠張俊並罷己未禁閩廣淮浙海舶商販山東慮爲金人鄉導詔江浙福建州縣諭豪右募民兵據險立柵防遏

外寇庚申以岳飛為通泰州鎮撫使辛酉建州民范汝為作亂命統制李捧捕之乙丑復李邦彥以下十九人官職聽自便復李綱銀青光祿大夫許翰顏岐端明殿學士張浚貶曲端階州居住丁卯金人立劉豫為帝國號齊戊辰罷提領措置茶鹽司己巳詔王璞部兵屯信州程昌寓遣將杜湛禽李合戎于松滋縣是月張用據漢陽軍沿江措置副使李允文招降之以便立徙鄂州路副總管以右軍統制馬友知漢陽軍八月辛未朔以禮部尚書謝克家參知政事壬申李成誥降于江州詔撫納之張浚停程千秋官文

州編管癸酉選神武中軍親兵六百人番直禁中甲戌詔侍從官日一員輪直進故事關治體者丁丑以韓世忠為檢校少師武成感德軍節度使張俊檢校少保寧武昭慶軍節度使贈監察御史常安民為左司諫江公望左諫議大夫錄其後二人庚辰太后至自虔州薛慶及金人戰于揚州城下死之郭仲威奔興化縣辛巳侍御史沈與求戶部侍郎李陵以論宰相范宗尹皆黜宗尹復視事癸未盧益罷張浚復永興軍再貶由端海州團練使萬州安置甲申陳萬信餘黨雷進作亂乙酉焚慈利石門二縣以御營司參

議官王擇仁權河東制置使山砦首領韋忠佺爲都
統制宋用臣馮賽同都統制丙戌命李成吳翊捍禦
上流翊棄城去以成爲四州鎮撫使命李捧便道過
信州招捕靳賽戊子以饒信妖賊平赦二州徒以下
囚蠲民今年役錢貶滕康永州劉珪衡州並居住已
丑詔岳飛救楚州仍命劉光世遣兵往援辛卯杜湛
渡江討羣賊復石首等五縣壬辰盜入梅州殺守臣
沈同之大掠而去癸巳命福建安撫使程邁會兵討
范汝爲甲午知虢州邵興遣統制閻興及金人戰于
解州東屢破之金人陷承州命陳思恭屯兵明州以
防海道劉光世遣王德鄺瓊以輕兵渡江乙未遇金
游騎于召伯埭敗之戊戌以桑仲爲襄陽鄧隨郢州
鎮撫使是月罷提舉廣西峒丁孔彥舟入潭州宣撫
司參議官王以寧率兵拒之以寧敗遁去宣撫司主
管機宜文字傅秀在彥舟軍中承制以彥舟權湖南
副總管劉綱以乏食率兵奔溧陽九月辛丑呂頤浩
入見請益兵命王璣巨師古顏孝恭兵隸之分屯境
內壬寅詔諸路決囚甲辰徽宗皇后鄭氏崩于五國
城戊申命秦鳳將關師古領兵赴行在劉豫僭位于
北京庚戌禁宣撫司僚屬便宜行事及京西湖南北

嘉靖丙辰年

卷之八

監陶復刊

路勿隸川陝宣撫司節制癸丑涇原同統制李彥琦
及金人戰于洛河車渡敗之乙卯罷中書門下省檢
正官桑仲陷均房州進犯白土關丙辰復增左右司
郎官為四員金人攻楚州趙立死之丁巳趙霖復和
州李成遣馬進犯興國軍戊午荆襄賊趙延壽犯德
安府陳規拒却之己未金均房安撫使王彥及桑仲
戰于平麗縣敗之王闢詣彥降辛酉李捧擊范汝為
于建州官軍皆潰捧遁去金人犯揚州統制靳賽逆
戰于港河敗之金人陷延安府執呂世存又陷保安
軍癸亥張浚遣都統制劉錫統五路兵及金將婁宿

戰于富平縣浚駐汜州督戰官軍敗績丙寅給劉光
世犒軍銀二萬兩絹二萬匹戊辰趙延壽焚郢州金
人陷楚州鎮撫使李彥先來救兵敗死之冬十月庚
午朔張浚斬環慶經略使趙哲于邠州貶劉錫合州
安置命諸將各領兵歸本路浚退保秦州陝西大震
辛未秦檜自楚州金將撻懶軍中歸于漣水軍丁祺
水砦壬申命楊惟忠王玘討李成丙子以孔彥舟為
鼎澧辰沅靖州鎮撫使戊寅鍾相餘黨楊華舉兵圍
桃源縣己卯馬進犯江州癸未程昌寓入鼎州擊楊
華破之甲申趣劉光世救楚州丁亥以李回同知樞

密院事庚寅遣前御史臺樞法官謝嚮招范汝為召
張浚以兵入援追復李邦彥觀文殿大學士辛卯虔
州賊李敦仁及弟世雄舉兵破虔州石城縣甲午命
楊惟忠率兵屯江州乙未岳飛破金人于承州丙申
詔劉光世節制諸鎮守禦通泰州伺便襲金人過淮
是月馮長寧棄城去尋以淮寧附劉豫江東賊張琪
犯建康府劉洪道招降之環慶路統制慕洵叛附于
夏國汪原統制張中彥經略司幹辦趙彬叛降金人
劉忠據岳州平江縣白面山王善餘黨祝友擁衆為
亂屯滁州龔家城十一月癸卯慕洵遂引金人圍環

州呂頤浩復南康軍甲辰趙鼎罷乙巳秦檜入見丙
午岳飛棄泰州渡江丁未金人犯泰州飛退保江陰
軍沙上以御史中丞富直柔僉書樞密院事秦檜為
禮部尚書李允文殺岳州守臣袁植呂頤浩會楊惟
忠與馬進戰南康軍不利戊申頤浩遣巨師古救江
州為進所敗師古奔洪州金人陷涇原經略使劉錡
退屯瓦亭己酉以孔彥舟為湖南副總管部兵屯潭
州庚戌命神武副軍都統制辛企宗討范汝為壬子
日南至率百官遙拜二帝乙卯改樞密院幹辦官為
計議官丙辰金人陷泰州丁巳通州守臣呂伸棄城

嘉靖丁巳年

宋史本紀卷二十六

上

監生陳大化刊

去王彥攻桑仲于黃水破之房州平張浚以彥為金均房州鎮撫使崔增犯池州劉洪道遣統制李貴擊走之增以兵萬餘詣呂頤浩降甲子詔諸路守臣節制管內軍馬丙寅金房州賊郭希犯歸州田祐恭擊卻之命王瓌帥兵萬人速援呂頤浩祝友渡江大掠是月張浚退軍興州秦鳳副總管吳玠收餘兵保大散關東和尚原詔諸路轉運司括借寺觀田租蘆場三年十二月庚午安南請入貢卻之辛未遣度支員外郎韓球括饒信諸州錢糧凡江湖川廣上供皆拘之壬申命孔彥舟援江州丙子禁籛制軍馬守臣便

宜行事丁丑馬進分兵犯洪州乙丑李敦仁犯撫州崇仁縣命李山張中彥討之壬辰金人犯熙州總管劉惟輔戰敗之殺五千餘人甲午再犯熙州惟輔軍潰被執死之乙未以張俊為江南招討使討李成丁酉范汝為降詔補民兵統領是月張俊承制復海州團練副使曲端左武大夫興州居住是歲宣撫處置司始令四川民歲輸激賞絹三十三萬匹有奇

紹興元年春正月己亥朔帝在越州帥百官遙拜二帝不受朝賀下詔改元釋流以下囚復贖良方正直言極諫科蠲兩浙夏稅和買紬絹絲綿減閩中上供

銀三分之一戊申改命張俊為江淮路招討使復江
池路為江東西路分荆湖江南諸州為荆湖東西路
置安撫司治池江鄂鼎州江南東西路各置轉運司
荆湖東西路轉運司通掌兩路財賦以呂頤浩為江
東路安撫大使朱勝非江西路安撫大使馬進陷江
州守臣姚舜明棄城走端明殿學士王易簡等二百
人皆遇害已酉岳飛引兵之洪州金人犯揚州謝嚮
率范汝為討平建陽賊劉時舉金人犯秦州吳玠擊
敗之庚戌又犯西寧州守臣俱重迎降辛亥謝克家
罷壬子詔京官知縣並堂除內外侍從各舉可任縣

今者二人犯賊達坐自今不舉賊人石勿心監司郎
官不廉外任者勿除侍從著為令張中孚以秦州叛
降于金安王李穀仁圍建昌軍蔡延世率鄉兵擊退
之賊曹成入漢陽軍李元文扼之成入鄂州復趨江
西丁巳呂頤浩遣王燮崔增擊賊于湖口大敗之頤
浩及揚惟忠引兵趨江州辛酉詔太祖創業垂統德
被萬世神宗詔封子孫一人為安定郡王世世勿絕
自宣和末至今未與有司共上應襲封人名依故事
舉行金人再圍環州是月張浚復由端榮州刺史提
舉江州太平觀閬州居住後恭州二月戊辰朔宣

宋史紀事本末卷之六十一 宣和六年

章縣民李冬至二作亂犯英連詔柳諸州祝友降劉
先世分其軍以友知楚州庚午改行宮禁衛所為行
在皇城司李成黨劾交托揚州守臣王庭秀棄城去
辛未在臨江軍守臣康佖道士曰初定歲祀天地社
稷如秦晉之禮矣酉祭仲自京陽引兵還襄陽丁丑
願迎將李永琦叛犯慶陽府戊寅禁州郡發兵官擅
招共亂軍為賊己卯日中有黑子四日乃沒以率金
宗為福運制置使辛巳以秦檜參知政事壬午水賊
張榮入通州癸未詔辛企宗入謝擢罷遣元汝為兵
汝為不聽命甲申詔王璘張俊持角討捕而進等賊

丙戌復置誠善省己丑命北彥舟呂頤浩張俊會兵
討李成壬辰兩雷祭己卯青寇宣州丙申論諸路提
刑司以八月類省試張浚亦以便宜合川陝舉人即
置司類省試丁酉宣教郎范壽坐誣訟辛丑忠厚且及
太后除名湖州編管是月李敦仁犯汀州馬友遣其
黨犯鄂州編管張用拒卻之李允文以友權湖南招
捉公事友大掠漢陽而去過岳州守臣吳錫道友據
之三月戊戌朔以嚴衢二州守臣柳約李處勣有治
功各進職一等呂頤浩遣崔增五璣合兵擊李成于
湖口大敗之庚子張浚以富平之敗上疏待罪詔免

壬寅秦諸敗過糴丙午張俊揚沂中岳飛渡江擊馬
進大敗之孔彥舟焚掠潭州趨衡州已酉季成犯饒
照庚戌張俊揚沂中復擊馬進十筠河敗之復筠州
進奔江州男子崔紹祖詐稱越王中子受上皇詔為
天下兵馬大元帥趙霖以聞辛未詔赴行在命劉光
世兼淮南京東路宣撫使治揚州經畫屯田光世立
不行甲寅罷諸州免行錢乙卯金人破階州庚申劉
超在澧州統制杜湛卒兵拒之甲子始下詔罪季成
募人禽斬劉超等張俊追至江州季成敗遁
去乙丑進復江州揚沂中趙密引兵追擊季成又大敗

之成奔蘄州振淮南京東西流民荆湖東路安撫使
向子灑說降馬友與其討季冬至二平之是月金人
攻張榮縮頭湖水砦榮擊敗之來告捷劉光世以榮
知秦州金人迫興州張浚退保閬州以端明殿學士
張深為四川制置使及參議軍事劉子羽趨益昌恭
謀官王庶為龍圖閣待制知興元府兼利夔兩路制
置使節制峽西諸路祭仲以其黨李道知夔州夏四
月己巳張浚承制分利閬劍文政五州為利州路置
經略安撫使庚午張浚復叛犯當塗賊金將楊賴渡
淮屯宿遷縣馬樂湖壬申太白書見乙亥劉光世復

楚州階州統領杜肇復階州馬友引兵入潭州戊寅
杜琪棄澧州劉超入據之己卯金涇原帥趙鼎樵
州守臣趙澄擊走之淮賊寇宋犯濠州庚辰隆祐皇
太后崩癸未桑伯陷鄧州守將譚克棄城走可東招
捉使王俊引兵來援仲執斬之以其黨李橫知州事
乙酉為太后制暮年服辛卯君百三上表始聽政癸
巳命向子誨發兵及廣西安紐許中同扼險要趙北
壽舟入廣仍許督從自新以招諭之是月京西賊李
忠陷商州守臣楊伯孫棄城走呂頌浩遣使制關隴
通判建昌軍蔡延世襲擊李孜仁擒其弟世傑世臣

五月丙辰朔江西南路被賊州縣賦稅丁酉詔呂頌
浩朱勝非劉光世並兼沿河兩州宣撫使始奪李成
官戊戌以張用為舒蘄鎮撫使癸卯作大梁中興寶
成金人犯和尚原吳玠擊敗之丙午初復召試館職
之制劉光世遺統制王德龍揚州執郭仲威以獻伏
誅辛亥水軍統制邵青叛圍太平州趙彬及金人合
兵圍慶陽府守臣楊可柔擊敗之甲寅命知南外
正事令慮選年幼宗子將育于宮中詔收者三長
錢已未詔州縣因軍期徵取民財物者立文榜示
過數催擾庸由孔彥舟引眾過潭州馬友定率大敗

廣

綱目卷之八十一

水一作木

之考舟趨岳州犯鄂州李允文以考舟為湖東總
管屯漢陽辛酉以直秘閣宗綱為荆南鎮撫司提
管田官樊賓為副壬戌劉光世招降邵青趙年壽據
分寧縣呂頤浩招降之是月張俊及李成戰于黃梅
縣殺馬進成敗遁歸劉豫李忠謹充各率兵歸張俊
浚命王庶分其兵張用復叛寇江西岳飛招降之湖
州進士吳水書論宰執送徽州編管六月己巳始
鬻高承直修式郎以下官壬申冊謚皇太后曰昭慈獻
烈甲戌張琪犯餘杭州二犯宣州乙亥月犯心庚辰
湖賊楊惟揚廣犯泉州杜昌禹拒卻之上虞縣丞妻

寅亮上言請得為編管壬午權擢湖慈獻烈皇后于
越州張琪犯徽州守臣郭東棄城去琪入據之癸未
張浚引大兵至臨昌縣之丁家洲李允文自鄂部兵
歸浚浚并其兵護允文赴行在邵青率舟師至鎮江
甲申復叛去丁亥崇安民康公北合范汝為餘黨集
志寧作亂獲既散志寧復與建陽民丁朝佐合兵陷
二縣戊子歲囚己丑邵青犯江陰軍之福山遣海州
鎮撫使李進亨中軍統制歐進率舟師會劉光世討
之南安賊吳忠不破增剗洞天作亂庚寅江西提刑
司道官高之破壇洞天皆次誅忠遁去癸巳熙河統

制關師古洮東安撫郭玘同討熙州叛兵連敗之甲
午廣賊鄧慶龔富圍南雄州守臣鄭成之率兵民以
拒獨建劍汀州邵武軍祖是月知虢州邵興屯盧氏
縣為河南統制董先所破走興元先遂取商虢二州
張浚承制以三峽為陝西諸路都統制時關隴六路
盡陷止餘階成岷鳳洮五郡鳳翔之和尚原隴州之
方山原結罕既得陝西地悉與偽齊秋七月乙亥朔
以馬之權判湖東路副總管起討孔彥舟統制趙遠
後軍將胡江等叛破玉山弋陽永豐三縣遣樞密院
集備將領徐文討之戊戌吳錫復入鄂州庚子以岳
飛為神武右副軍統制留軍洪州彈壓盜賊辛丑封
伯右武衛大將軍令話為安定郡壬寅虔州賊陳
顯作亂命趣捕之甲辰詔秘書省長貳通修日曆丙
午劉光世遣將孫福擊邵青于常熟為所敗楚燭
自宿遷北歸戊申韓世清追龍張琪復祈門縣庚戌
張俊執傅秀赴行在張浚以曲端屬吏以武臣康隨
提點夔路刑獄與王慶雜治之辛酉召呂頤浩赴行
在張琪犯饒州頤浩遣閻臯擊敗之琪黨姚興降琪
走徽州癸亥范宗尹罷是月珍州守臣李玠棄城去
王彥數擊敗李志趙彬來歸張浚承制以彬為陝西

皇朝通志

卷之六

十一

轉運使又以涇原兵馬都監李彥琪為本路副總管
彥琪尋叛去八月丙寅以孔彥舟為蘄黃鎮撫使丁
卯以知潭州吳玠為荆湖東西廣南路宣撫使張浚
殺曲端于秦州玠張用部兵至瑞昌歸張浚浚以用
為本軍統制戊辰張守等上紹興重修敕令格式矣
西復以汪伯彥為江東安撫大使乙亥呂頤浩遣將
李鑄復鄂州丁丑附昭慈獻烈皇后神主于温州不
廟戊申張守罷以李回參知政事當直柔同知樞密
院事在社稷及劉越戰于彭山為所敗事已起及
楊華楊廣合兵復寇鼎州程曰寓遣湛寧元師擊敗

當一作當

之遣辛企宗移軍福州討熊志寧胡江等諸賊許世
清及張琪戰世清敗琪復入祈門縣壬午命張俊遣
兵捕之鑄紹興錢癸未詔許邵青張琪脅從徒黨自
新乙酉以李成在順昌恐復謀亂遣使齎蠟書諭淮
寧蔡州將士立賞格募人禽斬成丁亥以秦檜為尚
書右僕射同中書門下平章事兼知樞密院事庚寅
復李綱資政殿大學士募人往京東河南伺察金齊
動止仍齎詔慰撫忠義保聚之人蔡州鎮撫使范福
棄城去以土豪李祐代之辛卯蠲徽州被賊民家夏
稅壬辰置三省樞密院賞功房是月知鄂州曹成掠

湖西犯沅州與知復州李宏合屯瀏陽既而攻宏宏
奔潭州九月甲午朔張琪黨李捧犯宣州守臣李彥
卿及韓世清擊却之詔江東西路安撫使復治建康
府洪州以王瓌知池州楊惟忠知江州並兼管內安
撫使率部兵赴官丙申斬李世臣己亥以資政殿學
士葉夢得爲江南東路安撫大使兼壽春等六州宣
撫使庚子張琪復陷宣州已乃遁去辛丑命王瓌討
琪丁未詔歲再遣使省謁諸陵因撫問河南將士命
馬步移屯鄂州庚戌命宗室右監門衛大將軍士芭
朝饗温州太廟辛亥合祭天地于明堂太祖太宗並
配大赦罷諸州守臣節制軍馬錄用元符末上書人
子孫癸丑復以呂頤浩爲尚書左僕射同中書門下
平章事兼知樞密院事丁巳王彥破李忠子秦郊店
忠奔歸劉豫戊午禁福建轉運司抑民出助軍錢落
范宗尹觀文殿學士己未初措置河南諸鎮屯田以
戶部尚書孟庾爲江東西湖東等路宣諭制置使辛
酉詔四方有建策能還兩宮者實封以聞有劾者賞
以王爵壬戌遣御史胡世將督捕福建盜賊是月長
星見冬十月乙丑詔蔡京王黼門人實有才能者公
舉叙擢李回罷丙寅朱勝非分司江州居住丁卯以

李允文恣睢專殺賜死大理獄已亡王德招邵青降
之庚午以孟庾叅知政事徽猶閣直學士湯東野為
江淮發運使劉洪道招降李捧董旺壬申置行在大
宗正司癸酉兀朮攻和尚原吳玠及弟璘力戰大敗
之兀朮僅以身免丁丑增置諸路武尉戊寅以張俊
為太尉移屯婺州壬午初置見錢關子招人入中以
給軍食范汝為復叛入建州守臣王浚明棄城走辛
企宗退屯福州甲申劉超請降以超守光州戊子崔
紹祖伏誅詔邵青以舟師赴行在己丑升越州為紹
興府李成軍正李雲伏誅知承州王林禽張琪于楚
州檻送行在壬辰錄程頤孫易為分寧令癸巳范汝
為犯邵武軍守臣吳必明統制李山率兵拒之衆潰
退保光澤縣關師古復秦州獲郭振是月劉豫遣將
王世冲寇廬州守臣王亨大破之斬世冲曹成及馬
友戰于潭州成敗還攸縣王才遣將丁順圍濠州劉
光世遣兵攻橫澗山順解圍去十一月乙未葉夢得
至建康以詔招王才降之丙申遣內侍撫問孔彥舟
桑仲丁酉榜諭福建江東羣盜赦其脅從者戊戌詔
移驛臨安以孟庾為福建江西荆湖宣撫使神武左
軍都統制韓世忠副之仍命械謝嚮陸棠赴行在己

亥以婁寅亮為監察御史范汝為犯光渾縣李山走
信州辛丑續編紹興太常因革禮桑仲請正劉豫惡
通之罪詔進幸荆南乙巳以右司諫韓璜當富直柔
責監潯州稅張琪伏誅庚戌富直柔罷荆相廣西宣
撫使吳敏始受命置司柳州辛亥升康州為德慶府
壬子詔內外侍從各舉所知三人丙辰程昌富遣杜
湛擊楊華敗之命張浚遣使持詔招曹成以所部赴
行在己未楊華請降辛酉命吏部侍郎李光節制臨
安府內外諸軍壬戌曹成犯安仁縣執安撫使向子
謹進攻道州是月前知鄆州李惟德以嶧州來歸吳

玠始遣人通書夏國十二月乙丑吳敏罷丙寅復置
樞密院都承旨范汝為遣葉澈寇南劔州守臣張覺
拒戰大破之己巳遣吏部侍郎傅崧卿為淮東宣諭
使甲戌遣江東安撫司統制郝鼓顏孝恭討建昌軍
賊乙亥辛企宗罷仍追三官率兵赴軍前自效丁丑
蠲諸路在官積欠詔官戶名田過制者與民均科以
岳飛為神武副軍都統制部兵屯洪州曹成陷道州
守臣向子志棄城走戊寅以堇出求直言增行在職
事官職錢遣駕部員外郎李愿撫諭川陝己卯詔兩
浙分東西路置提點刑獄庚辰桑仲遣兵寇復州守

臣殂適棄城去辛巳復置廣西提舉茶鹽司知海州
薛安靖殺偽都巡檢使王企中率軍民以城來歸增
諸路酒錢以備軍費甲申知龍州范綜統制雷仲舉
兵復水洛城巳丑起復陝西都統制吳玠為鎮西軍
節度使詔江西安撫司趣兵討捕吳忠是月劉豫遣
將王彥克攻壽春府桑仲遣李橫復寇金州王彥拒
戰於馬郎嶺大破之均州平蔡州褒信縣弓手許約
叛據光州階州安撫孫注復洮州龔富等圍南劔州

本紀卷第二十七

宋史二十七

開府儀同三司柱國錄軍國事尚書右丞相樞密副使領經筵事部統裁脫胎

黎

高宗四

二年春正月癸巳朔帝在紹興府率百官進拜二帝
不受朝賀甲午詔復置賢良方正直言極諫科丙申
賜揚邦又謚曰忠襄韓世忠園建州丁酉蠲諸路元
年逋稅癸子陝西拔建州羌汝為自焚死斬其二弟餘
之辛丑韓世忠拔建州羌汝為自焚死斬其二弟餘
黨悉平壬寅帝發紹興曹成釋向子諲丙午帝至臨

安府壬子遣韓世清捕石陂賊癸丑以張俊檢校少
保定國軍節度使劉豫遣兵犯伊陽縣翟興反其將
李棗合擊敗之曹成化郴州永興縣乙未脩臨安城辛
酉遣內侍任源撫問張浚江西副總管楊惟忠以楊
勅雖就招安復謀作亂誘誅之二月甲子楊華復叛
擾昂澧潭三州詔立賞禽捕首領赦貸脅從丙寅命
劉光世將銳卒萬人屯揚州經理維東庚午以李綱
為觀文殿學士湖廣宣撫使仍命岳飛率馬友李宏
韓京吳錫等共討曹成諸盜甲戌以吏部尚書李光
為淮西招撫使王瓌副之乙亥兩電丙子以施逵謝

嚮陸棠黨范汝為遠除名發州編管劉棠械赴行在
俱道死丁丑分隄增李捧邵青趙延壽李振單德忠
徐文所部兵為七將名御前忠銳軍隸步軍司非樞
密奉旨不許調遣減淮南營田歲租三之二俟三年
復舊已卯劉光世入見同執政對內殿諭以進屯揚
州光世遂不行庚辰詔監司避本貫壬午程昌高遣
杜湛募兵攻賊周倫破之甲申以工部員外郎滕茂
實死節于代州贈龍圖閣直學士丙戌初置著作官
二員修日曆己丑復荆湖東西為荆湖南北路南路
治潭北路仍治鄂申禁福建路私有私造兵器是月

仁商州董光叔入劉棟金入陷慶陽府執楊可昇降
之三月壬辰朔命襄鄧鎮撫使桑仲收復陷沒諸郡
仍命諸鎮撫使互相應援再貶徐秉哲惠州吳玠南
雄州莫儔韶州並居住水賊翟進襲漢陽軍殺守臣
趙令斌李光執韓世清于宣州以歸度化縣賊李敦
仁及其徒皆殺官隸諸軍乙未復置江陰軍罷福建
路武尉戊戌葉夢得罷以李光為江東安撫大使無
除濠等六州宣撫使罷江淮發運司桑仲如郢州調
兵守將霍明以仲將謀逆殺之以其事聞庚子金人
攻方山原陝西統制楊政援之金兵引去辛丑又犯
隴安縣吳璘等擊之淮南營田副使王寔括開田
三萬頃給六軍耕種丙午復置中書門下省檢正官
省樞密院檢詳官己酉以神武右軍中部統制楊沂
中為神武中軍統制癸丑河南鎮撫使翟興為部將
楊偉所殺甲寅金人復自水洛城來攻楊政等又敗
之庚申曹成寇賀州清水砦守臣劉全棄城去是月
知壽春府陳下及鈐轄陳寶等舉兵復順昌府尋引
兵歸為偽齊所逐并壽春失之夏四月甲子曹成陷
賀州陳顥圍循州焚龍川縣命江西安撫司遣將捕
之丙寅賜禮部進士張九成以下二百五十九人及

第出身庚午以翰林學士承旨翟汝文參知政事壬申釋福建諸州雜犯死罪以下囚江西軍賊趙進寇瑞昌縣楊惟忠討降之戊寅偽齊統領王質率兵來歸富順監男子李勃偽稱徐王召赴行在壬午詔內外侍從監司守臣各舉中原流寓士大夫三二人以備任使癸未詔曰朕登庸二相倚遇惟均其所薦用之人不得偏私離間朋比害政謚孫傳曰忠定乙酉李綱始拜命置司福州是夜太平州軍士陸德據城叛囚守臣張錞殺當坐縣令鍾大猷戊子命呂頤告都督江淮荆浙諸軍壬寅庚寅劉豫徙居汴京是月王

大破董先于馬嶺關復商州閏月癸巳高麗遣使入貢乙未知池州王進討陸德誅之丙申岳飛擊破曹成于賀州置都督府隨軍轉運司丁酉左朝奉郎孫覲坐前知臨安府贓汙貸死除名象州羈管罷後苑工作辛丑韓世清以狂悖伏誅丙午岳飛敗曹成于挂嶺縣成走連州遣統制張憲追擊破之又走郴州入邵州丁未賜福建宣撫司賞軍錢十萬緡聽朱勝非自便乙卯詔諸鎮撫使非奉朝旨毋擅出兵劉光世聞父喪去官特命起復己未詔自今明堂專祀昊天上帝以太宗配是月張浚命利夔制置使王庶

與知成都府王似兩易其職襄鄧副都統制李橫同
副都統制李道合二圍郢州霍明遁去五月辛酉以
兵部尚書權邦彥簽書樞密院事以樞密將領趙琦
所部兵為忠銳第八將癸亥呂頤浩出師以神武後
軍及忠銳兩將從行百官班送甲子以霍明權襄鄧
隨郢州鎮撫使詔觀察使已上各薦可備將帥者二
人丁卯罷兩浙轉運司回易庫已已廢紹興府餘姚
上虞縣湖田為湖漑民田庚午詔修建康行宮辛未
選宗室子偁之子伯琮育于禁中丙子呂頤浩總師
至常州前軍將趙德壽兵叛于呂城鎮丁丑德壽犯

金壇縣殺知縣胡思忠頤浩稱疾不進戊寅海州賊
王山犯漣水軍總領蘇復副統制劉靖會兵擊敗之
庚辰臨安府火癸未置御前軍器所甲申親慮囚白
是歲如之罷行在權官乙酉劉光世遣王德追趙德
壽叛兵至建平縣悉誅之丙戌置修政局命秦檜提
舉詔侍從臺省寺監官監司守令條具省費裕國疆
兵息民之策丁亥以中書門下省檢正官仇愈為沿
海制置使戊子詔用建隆故事命百官日輪一人
轉對兩浙轉運副使徐康國獻銷金屏障詔有司毀
之奪康國二官蠲太平州被賊之家夏稅是月張浚

以參贊軍事劉子同知興元府黜王庶復以王似知
成都府韓世忠至洪州遣董攸招曹成成聽命赴行
在六月庚寅朔李宏引兵入潭州執馬友殺之甲午
李綱領兵三千發福州戊戌詔孟庾韓世忠班師岳
飛屯駐江州庚子以劉光世為寧武軍節度使
韓世忠為太尉移屯建康府辛丑以李橫為襄郢鎮
撫使李道鄧隨鎮撫使壬寅程汝文罷孔彥舟叛降
偽齊乙巳以權邦彥兼權參知政事戊申仇愈兼制
置福建路辛亥免臺諫官輪對甲寅召呂頤浩赴行
在令參謀官傅崧卿權王管都督府事詔兩浙江淮

守臣令存撫東北流寓人乙卯韓世忠遣統制解元
巨振入潭州執李宏以歸秋七月辛酉悉蠲福建諸
州被兵之家田稅壬戌復置湖北提舉茶監司甲子
罷福建提舉市舶司己巳起復程琮為河南府孟汝
唐州鎮撫使甲戌罷淮東路提點刑獄司丙子馬友
黨郝通率兵五萬歸宣撫司戊寅知廬州王亨復安
豐壽春縣己卯呂頤浩入見庚辰韓世忠討劉忠駐
兵于岳州之長樂渡大破之忠走淮西丁亥詔編次
建炎以來譜牒八月壬辰以孟庾兼權同都督江淮
荆浙諸軍事癸巳順昌縣賊余勝等作亂通判南劍

州王元鼎捕殺之甲午安定郡王令詔薨丙申詔郡
守除罷赴闕皆得引對臨安府火以知江州劉紹先
為沿淮防遏使戊戌命朱勝非提舉醴泉觀無待讀
日赴朝堂議事沿海州縣籍民海舶每歲一更守海
道險要振福建饑民己亥傳傳粵官英州羈管庚子
詔孟庾韓世忠總大兵至建康進赴行在戊申給事
中胡安國以論朱勝非罷宰執臺諫上疏留之皆不
報江西統制傳樞討平南雄賊吳忠鄧慶劉軍一等
己酉賜吳玠田甲寅奏以權罷給事中程瑤等坐論駁
朱勝非疑其黨檜並去官職王宮觀慧出胃乙卯減膳

戒輔臣修闕政罷脩建康行宮九月戊午朔落秦檜
職己未罷修政局辛酉以慧出大赦許中外臣民直
言時政陝西諸叛將許令自新壬戌王倫自金國使
還入見遣潘致堯等為金國軍前通問使附茶藥金
幣進兩宮甲子以直徽猷閣郭偉為淮西巡撫使乙
丑復以朱勝非為尚書右僕射同中書門下平章事
兼知樞密院事戊辰司空山賊李通出降以為都督
府親軍統領癸酉以右朝請大夫呂源為浙東福建
沿海制置使治定海縣知建昌軍朱芾擊石陂賊余
照禽斬之甲戌慧沒丙子復以郭仲荀為武泰軍節

度使詔墨敕有不當者許三省樞密院奏稟給事中
中書舍人繳駁臺諫論列有司申審庚辰命福建提
舉茶鹽官兼領市舶司辛巳以韓世忠為江南東西
路宣撫使他帥臣稱宣撫使者並罷壬午遣監察御史
史明素等五人宣諭江浙湖廣福建諸路仍降詔諭
官吏以遣使按察勸懲誅賞之意癸未新作行宮南
門成甲申提轄權貨務張純浚立淮浙鹽法增其筭
總領四川財賦趙開初變四川鹽法盡權之乙酉太
白晝見丙戌以知興元府王似為川陝宣撫處置副
使丁亥封右監門衛大將軍榮州防禦使令時為安

定郡王是月韓世忠遣統制解元龍擊劉忠于蕪陽
大破之忠奔劉豫冬十月戊子朔置牧馬監于饒州
庚寅李勣伏誅丙申初置江浙荆湖廣南福建路都
轉運使甲辰潘致堯至楚州通判州事劉晏劫其禮
幣奔劉豫守臣柴春戰死戊申以知平江府趙鼎為
江東安撫大使丙辰禁温台二州民結集社會班度
量權衡于諸路禁私造者是月顏孝恭招降石陂餘
賊李寶等十一月辛酉陳顥陷汀州武平縣犯梅循
二州乙丑初權明州鹵田鹽辛未議將撫師江上召
侍從官條具利害甲戌命李綱劉洪道程昌寓解潛

宋史卷一百一十二

會兵捕討胡寇楊太戊寅范汝為餘黨范忠掠龍泉
縣庚辰詔宣諭五使焚所至州縣建炎以前已蠲稅
籍癸未臨安大火是月關師古敗偽齊兵于抹邦山
馬友黨步諒詣李綱降綱入潭州其黨郝晟降王進
吳錫禽王浚湖南盜賊悉平十二月丁亥朔命神武
前軍統領申世景等討捕范忠已丑偽稱榮德帝姬
易氏伏誅范忠犯處州巨師古引兵入廬州執王亨
送行在甲午李綱罷臨安府火丙申振被火家罷浙
東沿海制置司丁酉岳飛遣統領徐慶王貴討禽萍
鄉賊高聚已亥以胡舜陟為廬州等州鎮撫使金人

侵熙秦關師古擊敗之庚子遣駕部員外郎李愿撫
諭川陝江西兵馬副鈐轄張中彥坐縱暴不法斬于
潭州辛丑程昌寓遣杜湛討楊欽等敗之殺三千餘
人癸卯川陝宣撫司類試陝西發解進士得周謨等
十三人以便宜賜進士出身甲辰罷張浚宣撫處置
使仍知樞密院以知夔州廬法原為川陝宣撫處置
副使及王似同治司事己酉遣司封員外郎周隨亨
同撫諭川陝庚戌孟庾自建康來朝辛亥金人犯商
州守將邵隆退屯上津李橫敗偽齊兵復汝州甲寅
命孟庾同都督江淮荆浙諸軍事詔都督府總治江

嘉靖丙辰年
九
監生陶復刊

東西湖北浙西帥臣經畫屯田張浚承制以歸州隸夔州路是冬金人犯和尚原將士乏食自潰吳璘拔砦棄去虔賊謝達犯惠州

三年春正月丁巳朔帝在臨安率百官遙拜二帝不受朝賀江西將李宗諒誘戍兵叛寇筠州統領趙進擊邵之翟琮入西京禽偽齊留守孟邦雄命諸路憲臣兼提舉常平司庚申金人犯上津李橫破穎順軍偽齊知軍蘭和降壬戌金人犯金州洵陽縣以仇愈為福建兩浙淮東路沿海制置使癸亥陳顥圍潮州不下引兵趨江西甲子李橫復領昌府乙丑詔中外

刑官各務仁平臺憲檢察月具所平反以聞歲終考察殿最金人陷金州鎮撫使王彥楚積聚退保西鄉庚午罷行在宗正司命嗣濮王仲湜兼判大宗正事辛未震電兩雹造渾天儀李通為其徒王全所殺壬申命兩外宗正移司福州癸酉復祭大火以湯東野為淮東安撫使乙亥以李橫為襄陽府鄧隨郢州鎮撫使丁丑登萊山砦統制范溫率部兵泛海來歸庚辰詔春秋望祭講陵張浚論奏王似不可為副因引罪求罷不報癸未詔民復業者視墾田多寡定租額賦役乙酉減淮浙鹽錢二月丁亥朔升桂州為靜江

府已丑權邦彥薨浙東賊彭友犯龍泉縣辛卯李通
餘黨劉德圍舒州吳玠遇金人于饒風關王彥自西
鄉來會金人分兵攻關統制郭仲敗走丁酉饒風關
破玠趣西縣彥奔達州四川大震張浚被罷職之命
以諸軍方潰因秘不行獲具奏審己亥金帥撒離曷
入興元府經畧使劉子羽焚其城走三泉縣吳玠逃
屯仙人關庚子以宗子伯琮為和州防禦使賜名瑗
尋以貴州辛丑蠲廣東諸州被賊民家稅壬寅鄭州
兵馬鈐轄牛臯彭玘率兵與李橫會橫以便宜命臯
為唐州鎮撫使玘知汝州乙巳程琮遣統制李吉

敗偽齊兵于伊陽又殲其將梁進之衆丁未王似始
受宣撫副使之命戊申虔賊周十隆犯循梅汀州詔
統制趙祥等合兵捕之庚戌以李橫為神武左軍副
統制京西招撫使改胡舜陟為淮西安撫使辛亥以
工部尚書席益參知政事翰林學士徐俯簽書樞密
院事壬子王全犯廬州甲寅詔守臣至官半年具上
民間利害或邊防五事李橫遣人奏穎昌之捷詔許
橫便宜行事乙卯劉光世遣酈瓊等屯兵泗州為李
橫聲援是月張浚復以王庶為參謀官往巴州措置
時金兵深入至金牛鎮疑有伏由褒斜谷引兵還興

元吳玠劉子羽追擊其後殺獲甚衆三月己未詔岳
飛捕虜賊壬戌申命統制巨師古部兵萬人屯揚州
胡舜陟至廬州王全降甲子以趙鼎爲江西安撫大
使李橫傳檄諸軍收復東京己巳金人遣兵援劉豫
李橫敗走穎昌復陷壬午以韓世忠爲淮南東路宣
撫使李綱遣兵擊降李宗諒詔戮于市夏四月丁亥
朱勝非以毋喪去位僞齊知虢州董震及其統制董
先來歸以震權商號陝州鎮撫使己丑詔江東西湖
北浙西募民佃荒田蠲三年租辛卯以劉光世爲檢
校太傅江南東路宣撫使金人去興元壬辰徙都督

府于鎮江岳飛軍次虜州甲午僞齊知唐州胡安中
來歸丙申僞齊李成攻陷虢州董先牛臯奔襄陽己
亥改謚昭慈獻烈皇后爲昭慈聖獻復舉五帝日月
之祀庚子增文武小官奉辛丑荆南統制羅廣率兵
至鼎州楊太衆益盛自號大聖天王立鍾相少子子
義爲太子廣等不克討而還丁未岳飛遣統領張憲
王貴擊彭友禽斬之劉忠爲部下王林所殺傳首行
在戊申以浙西兵馬鈐轄史康民所部兵爲忠銳第
九將己酉張浚奏王庶王似盧法原威望素輕乞命
劉子羽吳玠並爲判官不報辛亥徐文叛奔僞齊五

月丙辰以翟琮為河南府孟汝鄭州鎮撫使董先為副使丁巳遣樞密計議官任直清撫諭襄陽商號河南諸鎮巳未命楊沂中招捕嚴州盜賊辛酉建睦親宅以董先為商號陝州鎮撫使徵河南布衣王忠民為宣教郎至行在辭不受壬戌潘致堯還言金人欲重臣通使以取信遂寢出師之議乙丑罷諸州在任守臣所辟通判丁卯以韓肖胄等充金國軍前通問使安化蠻犯邊廣西經畧使許中發兵擊之戊辰楊沂中招降嚴州賊繆羅等捕斬其徒百人魔賊平庚午以岳州數被兵免今年稅役壬申詔守令尉佐境

內妖民聚集不能覺察致亂者並坐罪知建昌軍朱芾討南豐縣賊禽誅其魁黃琛乙亥以方與金國議和禁邊兵犯齊境丙子王彥復金州金兵棄均房去韓世忠請以大軍還鎮江巳卯詔淮南統制解元戌泗州餘屯江北周隨亨李愿宣押王似盧法原至閬州張浚始解使事時巳論金牛之功以吳玠為利州路階成鳳州制置使劉子羽為寶文閣直學士王彥為保大軍承宣使僚屬將帥第賞有差庚辰浚及子羽王庶劉錫等赴行在詔李橫等收軍還鎮辛巳罷宣撫司便宜黜陟六月甲申朔統制巨師古坐違韓

世忠節制除名廣州編管丙戌復置六部架閣庫丁
亥禁諸路招納淮北人及中原軍來歸者戊子復元
祐宰相呂大防官職贈謚庚寅詔降川陝死罪囚釋
流以下賞吳玠關師古將士壬辰張浚至綿州復奏
王似不可任甲午命王玠率諸軍討楊太巳亥罷沿
海制置司丁未置國子監及博士弟子員戊申以王
林所部兵爲忠銳第十將巳酉岳飛自虔州班師辛
亥發兵屯駐虔廣二州彈壓盜賊州各三千人是月
金人圍方山原王似命吳玠發兵救之秋七月巳未
復置博學宏詞科初許任子就試甲子以父旱償州

縣和市民物之直丁卯詔訪求異朝勲臣曹彬等三
百人子孫以備錄用戊辰王玠以舟師發行在巳巳
詔減膳禁屠弛工役罷苛姦命兩浙及諸路憲臣親
按部錄囚辛未蠲紹興二年和市純帛癸酉呂頤浩
等以旱乞罷政帝賜詔曰與其去位曷若同寅協恭
交修不逮思所以克厭天心者頤浩等乃復視事乙
亥朱勝非起復丙子泉州水溢壞城丁丑遣中使逆
趣張浚于道是月四川霖雨地震八月巳丑詔岳飛
赴行在留精兵萬人戍江州翟琮率兵突圍犇襄陽
詔屯駐其地癸卯罷諸路輪禁軍闕額錢甲辰以雨

賜不時蘇湖地震求直言乙巳復置史館修撰直館
檢討官命即官兼領著作郎及佐郎戊申罷都轉運
司已酉詔湖南丁米三分之一均取于民田其一取
之丁口辛亥孟庾自軍中來朝九月戊午呂頤浩罷
詔凡遇水旱災異監司郡守即具奏毋隱庚申岳飛
自江州來朝川陝統領官吳勝敗偽齊兵于黃堆砦
丙寅以趙鼎為江西安撫制置大使壬申詔中書舍
人給事中凡制敕非軍期機速必先書押而後報行
甲戌偽齊王彥先寇徐宿二州乙亥以劉光世為江東
淮西宣撫使置司池州韓世忠為鎮江建康府淮南

東路宣撫使置司鎮江府
澧黃州漢陽軍制置使置司鄂州岳州為江南西路
舒州制置使置司江州主管殿前司郭仲威知湖
州兼知海州置使神武中軍統制楊沂中兼知
司已卯吳勝克蓮花城冬十月癸未吳勝非上車修
吏部七司敕令格式庚寅加吳玠檢校少保壬辰趣
王燾進兵詔寬私鹽重法甲午卻大理國入貢丁酉
殘破州縣視戶口增損立守令考課法己亥禁州縣
擅增置稅場偽齊李成陷鄧州辛丑南丹蠻莫公晟
圍觀州焚寶積監殺知監陳烈壬寅偽齊兵逼襄陽

李橫以糧盡棄城奔荆南知隨州李道亦棄城去甲辰王瓌討湖賊戰于鼎口不利偽齊陷郢州守臣李簡棄城去甲禁私役戰士丁未命三省除銓曹姦弊戊辰罷諸路類省試統制石世達及杜湛合兵大破湖賊黃誠于龍陽洲庚戌復置宗正少卿及寺監諸丞是月王彥先引兵至此壽春將渡淮劉光世駐軍建康扼馬家渡又遣鄒瓊駐無為重為廬濠聲援賊乃還十一月己未以右文殿修撰王倫為都督府參議官冬更詔漕司節守察內外宗子病民等政者以聞崔增之冬滿湖賊于陽武口絕之甲子韓肖胄等使還乙丑禁沿淮諸寨兵種侵齊境庚午臨安府火甲戌禁掠賣生口入蠻夷喚峒及以銅錢出中國乙亥復元祐十科舉士法丁丑命有橫巨觀四州市戰馬戊寅王燮自鼎州引兵還鄴留統頭王渥等四軍聽程昌寓節制己卯蠲南劍州所負民間獻納錢十萬緡省淮南州縣文武官十二月辛巳朔降勅書撫諭吳玠及川陝將士乙酉臨安府火戊子又火朱勝非以屢火求罷不允丙申三似承制廢通遠軍己酉金國元帥府遣李永壽王懿來見是歲海寇黎盛犯潮州焚民居毀城去

四年春正月辛亥朔帝在臨安率百官建拜二帝乙卯增淮浙路鹽鈔貼納錢遣章誼等為全國通問使已未程昌寓遣杜湛五過攻楊太安真砦破之已巳詔諭王似盧法原吳玠使之協和金人犯宕昌臨江砦及花右峽關師古遣統頰劉戩分兵拒却之庚午詔諸路將帥毋以兩國通使輒弛邊備淮南州郡津渡尤慎讖察甲戌罷州縣新置弓子乙亥蠲循海潮惠四州被兵家租賦丙子申救三省樞密院除官並導舊制毋相侵紊除拜罷免皆明示黜陟之由戊寅金人犯神堂砦公北嶺至大散關臨安府久已如韓

肖曹罷二月壬午詔賊罪至死者仍籍其貲癸未作建康府行宮帝益罷乙酉以徐俯兼參知政事丙戌禁川陝諸將招納北軍湖北軍賊檀成犯長陽縣解潛遣統領胡勉捕斬之群盜出政自襄陽犯陝州已丑解潛遣統制王恪擊政斬之庚寅金人犯兩當縣乙未詔孟庚赴行在已亥詔三衙管軍及將帥觀察使以上舉忠勇智畧可自代者一人辛丑金人犯仙人關癸卯詔權以射殿為景靈宮四時設位朝獻丙午張浚入見三月辛亥朔吳玠率楊政吳玠田晟王喜諸將與兀朮戰于仙人關大敗之兀朮遁去戊午

兩電以趙鼎參知政事壬戌孟庚至行在罷都督府
以其兵屬張浚乙丑張浚以資政殿大學士罷尋落
職奉祠福州居位己亡蠲淮南州縣民租一年辛未
日有青赤黃氣編次建炎以來詔旨頒諸路癸酉蠲
興元府洋州被兵家稅役二年丙子以王似為資政
殿學士川陝宣撫使盧法原為端明殿學士與吳玠
並充副使關師古為熙河蘭廓路宣撫制置使夏四
月庚辰朔命趙開再任總領四川財賦詔諭川陝官
吏兵民以張浚失措當示遠胤猶嘉其所用吳玠等
能禦大敵許國一心止從薄責仍令宣撫司講求詔

訪凡擾民弗衆之事速釐革之癸未劉子羽白州安
置乙酉詔明堂用皇祐典禮兼祀天皇帝神州地
祇以下諸神丙戌吳玠敗金兵復鳳秦隴州詔特旨
處死情法不相當者許大理奏審蠲淮南州軍上拱
錢一年庚寅置等生牧馬監于臨安府甲午罷廣西
提舉茶鹽司關師古叛以洮岷二州降偽齊吳玠併
將師古今乙未詔諸路歲上戶口丁酉罷諸州回易
庫廩子命劉光世遣兵巡邊辛丑保靜州夷人入貢
丙午徐俯罷是月王似承制廢符陽軍知壽春府羅
興叛降偽齊五月庚戌朔以岳飛兼黃復二州漢陽

軍德安府制置使張丑以范冲為宗正少卿兼直史館重脩神宗哲宗正史實錄甲寅詔淮南師臣兼營田使守令以下兼管營田岳飛復郢州斬偽齊守荆超甲子以孟庚兼權樞密院事乙丑賜李橫軍絹萬匹丙寅李成棄襄陽去岳飛復取之金人攻金州鎮撫使王彥遣統制許青等與戰于漢陰敗之罷諸縣武尉子申裁省三省樞密細務責六曹長貳專決筴酉以國史日曆所為史館偽齊收李成餘眾益兵駐新野岳飛與別將王萬夔擊復大敗之乙亥王彥數敗金兵于洵陽縣丙子復建宗室子彥之子伯政育

于禁中六月壬申復命川陝類誡乙未太白晝見經天戊戌詔神武軍神武副軍統制統領官並隸樞密院庚子以霖雨罷不急之役壬寅詔三省樞密院凡奉下請墨勅許執奏不行置史館校勘官作明堂行禮殿于教場甲辰禁諸軍疆刺平人為兵已刺者皆釋之吳玠乞宮觀不允是月焚感化南斗岳飛將牛皋復隨州執偽齊守王高傑之秋七月戊申朔曲赦慶州以吏部尚書胡從年簽書樞密院事庚戌以湖南安撫席益為安撫制置大陝建昌軍軍平修達等作亂殺等臣劉滂江西制置使胡世將遣參謀侯慤

統制立贊討之壬子命吳玠通信夏國癸丑湖賊楊
欽等破社木砦官軍敗卻小將許登戰歿丙辰賞仙
人關之功以吳玠為檢校少師奉寧保靜軍節度使
吳璘揚政以下論賞有差丁巳命左右司歲考郎官
功過治狀以為賞罰庚申復曲端趙哲官壬戌岳飛
遣統制王貴張憲繫敗李成及金兵于鄧州之西復
鄧州禽其將高仲丙寅侯懋引兵入建昌軍執修達
等十三人斬之罷建州臘茶綱詔江東安撫司招水
軍二千五百人己巳湖賊萬餘人詣鼎澧二州降劉光
世來朝庚午王貴張憲破金齊兵復唐州及信陽軍

襄漢悉平辛未章誼孫近使四入見粘罕致書約淮
南毋得屯兵八月庚辰以趙鼎知樞密院事充川陝
宣撫處置使湖賊夏誠等犯江縣解潛遣將蔣定
舟與戰敗之辛巳吳玠遣統制姚仲攻隴城縣克之
壬午王瓌以討賊無功降光州觀察使戊子改命趙
鼎都督川陝荆襄諸軍事乙未遣魏良臣等充金國
通問使丙申毀王安石舒王告己亥周十隆出降為
官軍所掠復遁去犯汀循州壬寅王似罷以岳飛為
清遠軍節度使湖北荆襄潭州制置使代王瓌討湖
賊癸卯以襄陽府隨郢唐鄧州信陽軍六郡為襄陽

府路九月戊申減淮浙路鹽鈔所增貼納錢壬子夏
誠遣將李全巧犯公安軍解潛遣統制林閏等擊斬
之安定郡王令時薨辛酉舍祭天地于明堂大赦獨
襄陽等六郡三年租稅庚午朱勝非罷金齊合兵自
淮陽分道來犯壬申渡淮楚州守臣樊叙棄城去韓
世忠自承州退保鎮江府癸酉以趙鼎為尚書右僕
射同中書門下平章事兼知樞密院事吏部尚書沈
與求叅知政事冬十月丙子朔與趙鼎定策親征命
張浚以軍援淮東劉光世移軍建康車駕擇日進發
丁丑以孟庾為行宮留守留統制王進一軍及神武

中軍五百人隸之百司不預軍旅之務者聽從便避
兵已卯韓世忠自鎮江率兵復如揚州金人犯滁州
以張浚為浙西江東宣撫使金人圍亳州席益遣統
制吳錫率兵討穽賊楊再興大破之壬午偽齊兵犯
安豐縣癸未復以張浚為資政殿學士提舉萬壽觀
兼侍讀甲申復以王瓌為建武軍承宣使江西沿江
制置使丙戌命胡松年詣江上會諸將議進兵戊子
韓世忠邀擊金人于大儀鎮敗之又遣將董收敗之
于天長縣鴉口橋己丑金人攻承州韓世忠遣將成
閔解元合兵擊于北門敗之金人圍濠州甲午遣秘

書正字楊晨持詔撫諭四川遣侍御史魏石監察御
史田如鰲詣劉光世張浚軍中計事光世始移軍太
平州丙申命後宮自温州泛海如泉州金人陷濠州
守臣寇宏棄城走丁酉詔州縣團教弓手士兵戊戌
帝御舟發臨安劉錫楊沂中以禁兵扈從己亥韓世
忠捷奏至命收瘞戰死將士仍令胡松年致祭庚子
張浚率兵發鎮江如建康壬寅帝次平江加贈陳東
歐陽澈祕閣修撰官其子孫二人各賜田十頃且追
咎汪伯彥落觀文殿學士黃潛善更不追復命韓世
忠楊沂中分兵控扼沿海要地癸卯焚決淮東閘堰

賜扈從諸軍錢乙巳仇愈遣將孫暉擊金人于壽春
敗之復霍丘安豐二縣是月借江浙坊場錢一界以
備軍費十一月戊申太白晝見庚戌賞承州水砦首
領徐康等要擊金兵之功轉官有差仍蠲承楚泰州
水砦民兵賦役十年置沿江烽火放浙東諸郡防城
丁夫壬子始下詔聲劉豫逆罪諭親討之旨以厲六
師吳玠遣統制楊從儀等率兵敗金人于臘家城癸
丑玠乞納節贖劉子羽罪遂聽子羽自便金人入光
州甲寅僞齊知光州許約破石額山砦遂據之乙卯
韓世忠遣兵夜劫金人營于承州破之金人犯六合

縣丙辰掠全椒縣三城湖丁巳戒諸路大小臣僚借
貸催科縱吏姦擾民及務絕盜賊之伺隙者命董叟
趙康直總領淮東水砦戊午以胡松年兼權參知政
事金人陷滁州劉光世移軍建康韓世忠移軍鎮江
張浚移軍常州己未復命張浚知樞密院事以其盡
忠竭節詔諭中外庚申宴犒守江將士癸亥劉光世
遣統制王德擊金人于滁州之桑根敗之揭黃榜招
諭湖賊甲子命滁和諸州移治保聚乙丑金人犯滁
口巳巳劉光世遣統制王師晟等率兵夜入南壽春
府襲金人敗之執偽齊知府王靖廣賊區稠圍韶州

樂昌縣鈐轄韓京遣兵擊斬之詔張浚視師江上十
二月乙亥朔魏良臣王繪還自泗州軍前入見戊寅
命都督府右軍統制李貴部兵屯扼福山鎮辛巳命
中軍統制王進屯兵泰州防拓通泰壬午以樞密都
承旨馬擴為江西沿江制置副使丙戌吳倫遣兵攻
臘家城破之下亥聽兩淮避兵民耕種所在問田士
辰金齊兵逼廬州仇念嬰城固守岳飛所遣統制徐
慶牛皐援兵適至敗走之劉光世亦遣統制靳賽戰
于慎縣張浚遣統制張宗顏擊敗金人丁未合詔江
浙荆湖十四郡各募水軍五百人名橫江軍兩浙十

郡沿江海州縣招捕巡檢土軍甲午經昌寓遣杜湛
彭筠合擊楊欽破之己亥以來年正月三日食下詔脩
關政求直言庚子金人退師辛丑詔葬祭浙西江東
二軍之死事者壬寅省淮南轉運司遣胡松年往常
熟縣江陰軍沿江計議軍事癸卯金人去滁州

本紀卷第二十七

本紀卷第二十八

宋史二十八

開禧備司司國醫國事司書表相穆國更鎮事都總務院等奉

勅修

高宗五

三年春正月乙巳朔日有食之帝在平江府金人去
濠州丁未戒諸軍戰陳毋殺中原民籍充金兵者命
弼官回宅輸錢專充軍費戊申進廬秦二州守禦官
屬各一官已酉詔前軍執三願結等十九人及行在
職事官各條上候戰備禦措置等情一策免淮南官
吏去職之罪仍令還任

宋史二十八

字三百八十八
州庚戌張浚遣統領楊忠閱王進一擊金人于淮南
岸敗之將其將程師回張延壽辛亥淮東統制崔德
明襲賊金兵于盱眙召張浚此行在乙卯浚入見賞
沿江監司即巨侯德一等各進官一等戊午趣脩楚
康行宮己未詔減淮南諸州雜犯死罪釋流以下囚
庚申置諸州軍教場選兵專習弓弩立格按試辛酉
贈殿中侍御史馬伸左諫議大夫韓世忠劉光世張
俊入見壬戌以世忠為少保淮東宣撫使駐鎮江光
世少保淮西宣撫使駐太平俊開府儀同三司江東
宣撫使駐建康甲子鄺瓊復光州降其守許約乙丑

罷淮南茶鹽提刑司置提點兩路公事官一員兼領
刑獄茶鹽漕運市場事淮西要會州軍並置市場務
戊辰詔川陝宣撫司招諭陷賊官民庚午命王進合
江西廣東諸將兵討周十隆海賊未聽祀廣州又祀
泉州壬申劉光世韓世忠張俊入辭命升殿以光世
世忠有隙賜酒諭釋之皆感激奉詔癸酉偽齊知毫
州馬泰犯光州權州事王萃率兵拒之是月金主晟
殂旻之孫重立岳飛自池州入朝二月丙子以飛為
鎮寧崇信軍節度使命常州布衣陳得一造新曆丁
丑帝發平江戊寅遣權太常少卿張銖奉迎太廟神

主于温州壬午帝至臨安進扈從官吏秩一等丙戌
以趙鼎為左僕射張浚右僕射並同中書門下平章
事兼知樞密院事都督諸路軍馬岳飛為荆湖南北
襄陽府路制置使將兵平湖賊楊太丁亥吳璘楊政
攻棧秦州執偽齊守胡宣金帥撤離曷來援攻復擊
敗之己丑詔建太廟壬辰命張浚詣江上措置邊防
詔諭諸路宣撫制置司示以專任之旨以右司諫趙
鼎論奏得體賜三品服丁酉進執政官秩一等以賞
防秋之功戊戌詔准而宣撫司撫存淮北來歸官吏
軍民己亥直史館范冲上神宗實錄考異庚子詔翰

林學士孫近胡交修類編臣僚條具利害章疏以聞
甲辰蠲湖南路上供三年是月偽齊商元寇信陽軍
守臣舒繼明被禽死之閏月乙巳朔雨雹下未胡松
年罷戊申雪己酉留四川上供銀帛就充軍費乙卯
以孟庾沈與求並兼權樞密院事丙辰併諸路提舉
常平入茶鹽司罷福建鑄錢令轉運坑冶司辦集丁
巳撤離曷欲犯秦州吳玠遣部將牛皓伺之遇于瓦
吾谷戰死癸亥海賊陳感犯雷州官軍屢敗丁卯王
瓌罷命戶部尚書章誼措置財用孟庾提領號總制
司命川陝宣撫司幕僚攝司事仍權節制軍馬戊辰

置路分總管以處閑退武臣辛未復置宗正丞掌修
屬籍再蠲荆南府歸峽二州荆門公安二軍歲貢上
供二年三月甲戌朔以王瓌貪縱不武敗師誤國責
授濠州團練使丙子遣樞密計議官呂用中等分使
兩浙江東西路檢察經總制司財用丁丑詔侍從至
監察御史館職已上在內館職在外侍從官監司帥
守各舉所知充監司守令尋命館職專舉縣令己卯
以韓世忠兼鎮江府宣撫使劉光世兼太平州宣撫
使壬午以都督府參議軍事邵溥兼權川陝宣撫副
使罷御前軍器所提舉官併隸工部壬辰命廣東福

建路招捕朱聰乙未初權鉛錫張浚親討湖賊丁酉
復移浙西安撫司于臨安府庚子罷饒州牧馬監夏
四月丙午貴池縣丞黃大本坐枉法贓杖脊刺配南
雄州丁未遣司農丞蓋諒持詔撫諭川陝召解潛赴
行在王彥知荆南府諸鎮撫使至是盡罷戊申太廟
神主至自温州己酉以審量濫賞追左銀青光祿大
夫王序八官及職名仍改正出身庚戌詔內侍遇特
恩轉官止武功郎壬子訪得周後柴叔夏襲封崇義
公戊午奉安太廟神主己未更免役保正長法甲子
太上皇帝崩于五國城丙寅帝即射殿行朝獻景靈

宮之禮始以惠恭皇后祔祭募民耕營田官給牛種
庚午省四川添差官辛未以諸路稅賦畸零增收錢
專充上世是月龍圖閣直學士致仕楊時卒五月乙
亥初謁大廟庚辰命邵溥吳玠裁省四川冗官浮費
辛巳名行宮新作書院為資善堂遣何鮮等奉使金
國通門二帝中書舍人胡寅言國家與金世讎無通
使之義張浚奏使事兵家機權後將闢地復土終歸
於和未可遽絕乃遣行丁亥立殘破州縣守令勸民
墾田及拋荒殿最格已丑以孟庾知樞密院事壬辰
召張浚還行在丁酉詔浚提舉詳定一司勅令戊戌

以貴州防禦使瑗為保慶軍節度使封建國公徽猷
閣待制范冲兼資善堂翊善起居即朱震兼讚讀以
盛暑命監司行部慮因己亥岳飛軍次鼎州庚子周
十隆降辛丑命川陝訪求元祐黨人子孫六月甲辰
封武經大夫令砮為安定郡王湖賊楊欽全琮劉詵
相繼率衆詣岳飛降乙巳名新曆曰統元丁未併饒
州鑄錢司于虔州己酉命建國公瑗出就資善堂聽
讀拜范冲朱震出內帑錢賜宗室貧者壬子復省淮
南州縣冗官癸丑以久旱減膳祈禱禁諸路科率自
租稅和市軍須外皆罷岳飛急攻湖賊水砮賊將陳

瑄降楊太赴水死餘黨劉衡等皆降飛急擊夏誠斬
之丁巳湖賊黃誠斬楊太首拔鍾子儀周倫詣都督
府降湖湘悉平得戶二萬七千悉遣歸業戊午減福
建貢茶歲額之半庚申以旱罷諸路檢察財用官丁
卯以賊平免沿湖民前二年逋租己巳罷福建諸州
槍仗手秋七月壬申朔以仇愈為沿海制置使甲戌
免蘄州上供及租稅三年戊寅獎諭岳飛撫勞將士
趣張浚還朝己卯孟庾罷以沈與求兼權樞密院事
及措置財用壬午以金軍虜州隸襄陽府路偽齊兵
寇湖陽縣執唐州守臣高貴復釋之丁亥賜宇文虛

中家福建田十頃甲午詔破州縣親民官計到罷
之日戶口考殿最韓世忠復鎮淮軍禽偽守王拱
丙申蠲湖南路上供米三年及秋租之半丁酉置高
峯王口二砦都巡檢使益兵戍之八月壬寅朔罷荆
南營田司令安撫司措置官兵耕種甲辰定館驛額
為十八員壬子詔淮南山水砦都巡檢各聽守令節
制癸丑蠲福建州軍借撥常平錢米己未下詔示章
惇蔡卞詆誣宣仁聖烈皇后之罪追貶惇昭化軍節
度副使卞單州團練副使子孫不許在朝命黃宮學
教內外宗子辛酉詔淮南襄陽府等路團結民兵丙

寅以諸盜平減湖廣江西二十二州雜犯之罪釋杖
杖以下囚海賊朱聰降命補水軍統領是月為
光州九月辛未朔罷總制司所增收頭子等諸色錢
乙亥賜禮部進士汪洋以下二百二十人及第出身
唱名始遵故典令館職侍立殿上壬午加岳飛校
少保偽齊兵寇固始縣統領華旺拒戰却之尋復光
州甲申命沿海州軍籍海舶分守要害乙酉趙鼎上
重修神宗實錄壬辰詔元行上書邪等范柔中等二
十七人各官一子以解潛部兵三千隸馬軍司甲午
周十隆復叛犯汀州戊戌遣統領王進李貴討之冬

十月庚戌張浚入見乙卯以希蓋為四川制置大使
位宣撫副使上州軍兵馬無隸大校司邊防軍事仍
令宣撫司處置李綱為湖南制置大使呂頤浩為湖
南制置大使戊午詔川陝類試合籍舉一人依殿試
第三人例推恩餘並同賜進士出身特奏名進士命
宣撫選官試將務景濤州縣官德進等乙丑偽齊兵
寇連水軍韓世忠遣總制呼延通等逆擊賊之十一
月庚午朔初置節度使以下金字牙符命都督府掌
之給將帥立殿功者命別懸賞戶帖以賜軍費奏西
詔守臣死節昭著者無限品秩在賜諡乙亥機和靖

處士... 帝州... 為... 政... 說... 言... 以... 實... 部... 子... 已... 復...
置... 准... 南... 提... 舉... 事... 官... 三... 午... 出... 官... 文... 三... 十... 八... 甲... 中... 權... 威...
李... 魏... 及... 行... 在... 官... 更... 奉... 乙... 酉... 以... 趙... 開... 為... 四... 川... 都... 轉... 運... 使...
丙... 戌... 合... 奉... 浚... 復... 師... 荆... 襄... 川... 陝... 戍... 子... 知... 德... 州... 兼... 盧... 坐... 調...
六... 案... 城... 涼... 苑... 二... 十... 餘... 人... 除... 名... 員... 南... 高... 州... 編... 營... 乙... 未... 出...
內... 審... 編... 錄... 賜... 乙... 酉... 丁... 酉... 罷... 權... 統... 三... 年... 十... 二... 月... 己... 亥... 朔... 以...
岳... 飛... 為... 荆... 湖... 南... 北... 襄... 陽... 府... 路... 勤... 黃... 州... 知... 府... 使... 楊... 沂... 中...
權... 三... 管... 殿... 前... 司... 前... 統... 神... 武... 中... 軍... 虞... 子... 改... 神... 武... 四... 軍... 交...
巡... 衛... 軍... 號... 行... 營... 五... 鎮... 軍... 辛... 丑... 以... 都... 督... 府... 兵... 隸... 三... 衛... 命...
三... 右... 司... 樞... 密... 院... 檢... 詳... 官... 參... 考... 中... 興... 已... 行... 條... 例... 修... 為... 定...

法... 乙... 巳... 禁... 服... 用... 翠... 羽... 已... 西... 免... 侍... 從... 官... 輪... 對... 東... 成... 汰... 橫...
江... 水... 軍... 三... 之... 一... 癸... 丑... 命... 兩... 淮... 川... 陝... 荆... 襄... 荆... 南... 諸... 帥... 府...
參... 謀... 官... 各... 一... 員... 提... 點... 屯... 田... 癸... 亥... 禁... 川... 陝... 州... 縣... 官... 悉... 用...
川... 陝... 人... 內... 實... 都... 督... 府... 遣... 參... 議... 軍... 事... 劉... 子... 羽... 主... 管... 機... 宜...
文... 字... 能... 書... 詩... 燕... 論... 川... 陝... 且... 察... 邊... 備... 虛... 實... 戊... 辰... 夜... 雨... 雹...
六... 年... 春... 正... 月... 辛... 未... 蠲... 貧... 民... 戶... 帖... 錢... 之... 半... 無... 物... 產... 者... 悉...
除... 之... 癸... 酉... 命... 給... 事... 中... 書... 舍... 人... 魏... 別... 元... 祐... 當... 署... 乙... 亥...
以... 內... 重... 刑... 命... 督... 臺... 寺... 監... 及... 監... 司... 守... 令... 淫... 職... 及... 一... 年...
者... 許... 更... 送... 出... 入... 除... 權... 下... 丑... 詔... 凡... 入... 粟... 補... 官... 者... 毋... 殺... 戮...
民... 刑... 法... 之... 職... 三... 午... 賜... 宗... 子... 伯... 或... 名... 奉... 為... 和... 州... 防... 備... 至... 夜...

罷歸州宣撫副使命吳玠專治兵事罷歸之平反刑
賞丙戌張浚視師制衆入辭已丑安慶郡王令石
臺京實還預借坊場錢等印詔監司帥官慢令矣職
者令張浚點陟以聞甲午振江湖福建浙東饑民命
監司帥臣分遣僚屬及提舉官等官躬行檢察戊戌
命醫通直郎閻門宣贊合人以下官二月庚子以諸
路宣撫制置大使並兼營田大使宣撫副使詔討安
撫使並兼營田使壬寅雨澤三岐江淮屯田為營田甲
辰置行在太子務印交子錢引給諸路令公教司見
錢行用戊申命飛一見復一襄陽府路為京西南路

辛亥詔張浚暫赴行在奏事甲寅以兵部尚書都督
府參謀祈彥質簽書樞密院事乙卯韓世忠引兵攻
宿遷縣統制呼延通與金兵戰敗之虜其將字董牙
合澧州賊徒伍俊殺雷德進持其首詣鼎州降丙辰
韓世忠圍淮陽軍復置諸路市易務戊午命楊沂中
以兵萬人聽都督行府調遣己未遣戶部侍郎劉寧
止如鎮江府總領三宣撫司錢糧辛酉兀朮救淮楊
韓世忠引兵歸楚州壬戌以折彥質兼權參知政事
癸亥沈與求罷李綱入見是月張浚至江上會諸將
議事命張俊進屯盱眙三月戊辰朔初收官告綾紙

錢名均房州民兵曰保勝又命招刺三千人賜名必
勝軍己巳以韓世忠為京東淮東路宣撫處置使岳
飛為京西湖北路宣撫副使辛未蠲旱傷州縣民積
欠錢帛租稅己卯趣岳飛如鄂州措置軍事辛巳以
樞密副都承旨馬擴為沿海制置副使壬午金齊兵
犯漣水軍韓世忠擊敗之壬辰寬四川災傷州縣戶
帖錢之半夏四月戊戌朔湖南賊黃壯犯桂陽監申
辰偽齊兵陷唐州團練判官扈舉臣推官張從之等
皆死岳飛以母喪去官丙午詔飛起復己酉詔文武
臣僚能決勝疆敵恢復境土者賜功臣号庚戌始訓

諸宗子名甲寅賞淮陽功呼延進官有差餘受
賞者凡萬七千人劉光世遣副統制王師晟鄺瓊襲
偽齊兵于劉龍城破之禽其統制華知剛己未命福
建安撫司發水軍討海賊鄭慶辛酉禁四川伐並邊
山林甲子以韓世忠為橫海武寧安化軍節度使號
楊武翊運功臣除商稅緡錢稅丙寅復行在官更奉
蠲東京民渡淮南兩販之稅五月戊戌朔禁以鹿胎
為寇癸酉詔未經三赦臣僚先令三省審察然後引
對戊寅以四川監司地遠玩法應有違戾令制置人
使按劾壬午詔大理寺議獄不合即詣刑部開決刑

部不能定同赴都堂稟議賜兵珍四川戶帖錢十萬
縉犒軍癸未禁淮南州縣收額外雜色租乙酉改交
子為關子罷交子務庚寅以劉光世為保靜寧武寧
國軍節度使壬辰以張俊進屯盱眙改崇信奉寧軍
節度使甲午禁銷錢及私鑄銅器丙申詔監司慮囚
不能徧及者聽遣官著為令六月乙巳朔夜地震已
酉求直言甲寅張浚渡江撫淮上諸屯命劉光世自
當塗進屯廬州岳飛自九江進屯襄陽揚沂中屯泗
州戊午詔兩淮沿江守臣並以丙三年為任辛酉封
集英殿脩撰公應為安定郡王秋七月壬申以司農

少卿樊質提領營田公事癸未詔張浚暫赴行在癸
巳罷川陝便宜差遣監司守貳以金州隸川陝路均
房二州隸京西南路郭浩為未興軍路經畧安撫使
兼知金州閣門宣贊舍人邵隆知商州聽浩節制經
理商號是月劉光世復壽春府八月己亥范宗尹薨
庚子賜左司諫陳公輔三品服癸卯以徽猷閣直學
士李迨為四川都轉運使甲辰詔諭將士將親征岳
飛遣統制牛皋破偽齊鎮汝軍禽其守薛亨乙巳命
權殿前司解潛等帥精兵扈從主管步軍司邊順留
兵守臨安知臨安府梁汝嘉為巡幸隨軍都轉運使

丁未以秦檜為醴泉觀使兼侍讀行宮留守孟庾提
舉萬壽觀兼侍讀同留守戊申岳飛遣將楊再興復
西京長水縣己酉命秦檜孟庾權參決尚書省樞密
院事庚戌蠲虔州殘破諸縣逋負梅州夏秋兩稅聽
廣東經畧安撫司便宜措置盜賊辛亥奉神主發臨
安丁巳權罷經筵進講己未預借江浙民來年夏稅
絕帛折米輸官庚申增給職事官米月三斛是月張
浚城盱眙進屯泗州岳飛及偽齊李成孔彥舟連戰
至蔡州克之偽守劉永壽舉城降九月丙寅朔帝發
臨安岳飛遣統制王貴郝政童先復虢州廬氏縣癸

酉帝次平江戊寅命職事官日一負輪對壬午岳飛
以孤軍無援復還鄂州癸未權奉安神主于平江能
仁寺戊子以戶部郎官霍彞總領岳飛軍錢糧庚寅
張浚入奏復如鎮江辛卯立賊徒相招首罪賞格賞
鎮淮軍功進統制王德等官是月劉豫聞親征告急
于金主直求援直不許豫自起兵三十萬命子麟趣
合肥姪猊出渦口引兵分道入寇冬十月丙申招西
北流寓人補闕額禁軍丁酉裁定淮南路租額劉麟
寇淮西張俊遣楊沂中張宗顏等分兵禦之戊戌沂
中至濠州劉光世已棄廬州而南俊遣人督還光世

嘉靖丙辰年
監生李繼恩刊

不得已駐兵應沂中遣統制王德麗瓊及賊將崔臯
賈澤王遇戰皆敗之賊兵攻壽春府芍陂砦守臣孫
暉拒戰又敗之辛丑罷四川監酒官百餘員壬寅以
梁汝嘉蕪浙西淮東沿海制置使前護副軍都統制
王彥副之癸卯趙鼎請降勅諭張浚令光世沂中及
張俊全軍引還為防江之計甲辰又詔浚督將士僂
力破賊皆未達劉猗犯定遠縣沂中進戰大敗之于
藕塘猗挺身遁麟在順昌聞之拔砦去劉光世遣王
德及沂中追麟至南壽春而還孔彥舟亦解光州圍
而去戊申命解潛遣兵千人守青龍港口癸丑張俊

揚沂中引兵攻壽春府不克而還乙卯詔諸軍所
人民給錢米遣歸丁巳惠州軍賊曾亥作亂庚申權
鋒軍統制韓京募敢死士夜襲破之袞尋出降壬戌
日中有黑子沒十二月甲午朔詔降廬光濠等州死
罪釋流以下囚召秦檜赴行在張浚入見請幸建康
趙鼎請還臨安戊戌韓世忠攻淮陽軍及金人戰敗
之辛丑城南壽春府壬寅趙鼎罷遣右司員外郎范
直方宣諭川陝撫問吳玠將士甲辰命都督府參議
軍事呂祉如建康措置移蹕丙午折彥質罷丁未賞
淮西功加張俊少休改鎮洮崇信奉寧軍節度使楊

沂中保成軍節度使殿前都虞候戊申命秦檜赴講
筵供職孟庚為行宮留守辛亥以資政殿學士張守
參知政事兼樞密院事丙辰以呂頤浩為浙西安
撫制置大使判臨安府丁巳以劉光世為護國鎮安
保靜軍節度使戊午詔凡因民事被罪者不許親民
已未命辰沅靖澧四州以閒田募刀弩三千五百
人為額右司諫陳公輔乞禁程氏學詔士大夫之學
宜以孔孟為師庶幾言行相稱可濟時用庚申以安
化郡王王稟死節太原賜其家田十頃辛酉以山陰
諸暨等四十縣為大邑並命堂除

七年春正月癸亥朔帝在平江下詔移躡建康蠲無
為軍稅役一年甲寅建康御前軍器局丁卯賞張浚以
破敵功遷特進己巳發米萬石濟京東陝西來歸之
民張浚入見甲戌罷都督府諸州市易官丁丑解潛
罷以劉錡權主管馬軍司并殿前步軍司公事庚辰
築采石宣化渡二城癸未以翰林學士陳與義參知
政事資政殿學士沈與求同知樞密院事詔廣西帥
臣訓練土丁保丁乙酉復置樞密使副知院以下仍
舊張浚改兼樞密使丙戌禁諸軍互納七卒西蕃三
十八族首領趙繼忠等來歸丁亥以秦檜為樞密使

何鮮范寧之至自金國始聞上皇及寧德皇后崩已
丑帝成服下詔降徒囚釋杖以下辛卯夜東北有赤
氣如火二月癸巳朔日有食之百官七上表請遵以
日易月之制徽猷閣待制知嚴州胡寅請服喪三年
衣墨臨戎以化天下帝欲遂終服而張浚連䟽論喪
服不可即戎遂詔外朝勉從所請宮中仍行三年之
喪丙申太平州火丁酉鎮江府火庚子遣王倫等使
金國迎奉梓宮岳飛入見辛丑以日食求直言以久
旱命諸州慮囚乙巳詔凡辟舉官犯贓罪罪及所舉
官丙午吳玠置銀會子于河池丁未詔席益募陝西

河東河北兵二千部送行在克扈衛癸丑雨雹丙辰
始御便殿果州守臣宇文彬等進禾登九穗圖俱奪
一官罷之丁巳以岳飛為太尉湖北京西宣撫使已
未帝發平江三月癸亥朔次丹陽韓世忠入見命世
忠扈從岳飛次之甲子次鎮江揚沂中入見命沂中
總領彈壓巡幸事務乙丑蠲駐蹕及經從州縣積年
逋賦丁卯以吏部侍郎呂祉為兵部尚書都督府參
謀軍事辛未帝至建康壬申詔尚書省常程事從參
知政事分治癸酉減建康流罪以下囚蠲建康府太
平宣州逋賦及下戶今年身丁錢岳飛乞併統淮西

兵以復京畿陝右許之命飛盡護王德等諸將軍既而秦檜等以合兵為疑事遂寢戊寅手詔撫勞將士進沈與求知樞密院事己卯尊宣和皇后為皇太后庚辰以王彥兵隸侍衛馬軍司呂頤浩為少保兼行宮留守孟庾罷甲申以劉光世為少師萬壽觀使以其兵隸都督府張俊因分為六軍命呂祉節制乙酉賜光世第于建康府丁亥命庾吉南安軍諸縣各募土兵百人責知縣訓練防禦盜賊是春廣西大饑李實變為桃夏四月癸巳築太廟于建康以臨安府太廟為聖祖殿戊戌修濬建康城池丁未岳飛乞解官

持餘服遂棄車去詔不許戊申日中有黑子庚戌以張浚察陳岳飛積慮專在併兵奏請求去意在要岳遂命兵部侍郎兼都督府參議軍事張宗元權湖北京西宣撫判官實監其軍壬子張浚如太平州淮西視師庚申以信陽軍隸京西路罷淮南提點司東西兩路各置轉運兼提點刑獄提舉茶鹽常平事五月丁卯詔李綱趣捕虜言諸盜壬申命禮官舉文宣王武成王熒惑壽星嶽鎮海瀆農蠶風雷雨師之祀甲戌以胡安國提舉萬壽觀兼侍讀趣赴行在未至而罷癸未以鄧瓊為行營左護軍副都統制甲申初試

樞密院都督府劾士乙酉命侍從官通舉材堪知縣者二十人丙戌偽齊陷隨州已丑禁四川增印錢引六月辛卯朔改上惠壽皇后諡曰顯恭皇后岳飛入見壬辰命歲辰戌月祀大火配以闕伯乙未罷江淮營田司令諸路安撫轉運司並領其事丙申以重脩神宗實錄去取未當命史館法以加考訂丁酉岳飛引過白劾詔放罪愆諭之戊戌命劉錡兼都督府咨議軍事遂兵戍慶州乙巳沈與冰薨召王德以所部兵赴行在禮部如淮西撫諭丙申詔吳玠李迨共議四川經費贍軍恤民等事復職林七月戊辰詔

侍從各舉可任監司郡守者一二人癸酉以旱禱於天地宗廟社稷甲戌嗣濮王仲湜薨癸未以久旱命中外臣庶實封言事甲申蠲諸路民積年逋租以建康疫盛遣醫行視貧民給錢葬其死者命踈決滯獄乙酉詔即建康權正社稷之位戊子詔戶部長貳迭出巡按諸路考窳財賦利病違者劾之己丑詔諸路歸業民墾田及八年始輸全稅八月乙未以張俊為淮西宣撫使駐盱眙楊沂中為淮西制置使主管侍衛為軍司劉錡副之並駐廬州命鄺瓊率兵赴行在戊戌瓊殺中軍統制張景等執呂祉及趙康直趙

嘉靖丙辰年 監生李維恩刊

不群以兵四萬人奔劉豫辛丑手詔赦廬州屯駐行
營左護軍壬寅鄲瓊引兵至淮殺祉及康直釋不群
使還劉錡吳錫至廬州以兵追之不及命張宗元往
招之張浚乞去位甲辰以趙鼎為萬壽觀使兼侍讀
甲寅詔命官犯贓刑部不得擅黥配聽朝廷裁斷乙
卯賜岳飛軍錢十萬緡招歸正復業人耕湖北京西
閒田九月甲子上太上皇帝謚曰聖文仁德顯孝皇
帝廟號徽宗皇后曰顯肅皇后丁卯韓世忠張俊入
見乃命俊自盱眙移屯廬州壬申張浚罷癸酉命參
知政事輪日當筆權三省事更不分治常程罷都督

府甲戌以臺諫累疏落張浚觀文殿大學士仍領宮
祠丙子復以趙鼎為尚書右僕射同中書門下平章
事兼樞密使戊寅以廬州壽春府民遭鄲瓊虜掠蠲
租稅一年己卯朝獻聖祖于宮朝殿庚辰朝饗太廟
辛巳合祭天地于明堂大赦召劉光世赴行在戊子
禁諸路進羨餘以劉錡知廬州兼淮西制置副使冬
十月庚寅朔詔仍舊開經筵辛卯命後省官看詳上
書有可采者條上行之丁酉夜勅張浚安置嶺表戊
戌趙鼎累請浚母老改永州居住偽齊犯泗州守臣
劉綱擊走之丙午命戶部郎官薛弼霍蠡同總領江

西湖廣五路財賦壬子統制呼延通王權等襲擊金人于淮陽軍敗之丁巳詔六參日輪行在百官一員轉對閏月癸亥贈趙康直徽猷閣待制己丑蠲江東路月椿錢萬緡發米二萬石振京西湖北饑民丙寅尹焞入見命為秘書郎兼崇政殿說書甲戌始作徽宗皇帝顯肅皇后神主庚辰韓世忠引兵渡淮逆擊金人于劉冷莊敗之辛巳李綱罷癸未復漢陽軍是月張俊棄盱眙引兵還建康十一月丙申賜吳玠犒軍錢百五十萬緡丁酉以知温州李光為江西安撫制置大使丁未金帥撻懶兀朮入汴京執偽齊劉豫

廢為蜀王癸丑詔來春復幸浙西是月偽齊引兵攻軍崔庸詣岳飛降十二月庚辰復置都大提舉四川茶馬監牧官丁卯附徽宗皇帝顯肅皇后神主于太廟庚午以解潛權主管馬步軍司命韓世忠留屯婺州尋蔽江淮己卯詔內外太將及侍從官舉武臣智畧器局堪帥守謀議官者癸未王倫等使還入見言金國許還梓宮及皇太后又許還河南諸州甲申城泗州丁亥復遣王倫等奉迎梓宮是夕吳玠遣裨將馬希仲攻熙州鄭宗李進攻鞏州不克宗死于城下希仲遁還玠斬以徇

宇二百八

本紀卷第二十八

